



Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Na osnovu člana VI. 4. a) Ustava Federacije Bosne i Hercegovine („Službene novine Federacije Bosne i Hercegovine“, broj:1/94, 13/97, 16/02, 22/02, 52/02, 60/02,18/03, 63/03, 9/04, 20/04, 33/04, 71/05, 72/05 i 88/08) i člana 13. stav 2. alineja 1. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06 i 51/09), Općinsko vijeće Breza na 8. redovnoj sjednici održanoj dana 30.06.2021. godine, donosi:

## STATUT OPĆINE BREZA

### I - OPĆE ODREDBE

#### Član 1.

Ovim statutom uređuje se samoupravni djelokrug Općine Breza, područje općine, njen status, simboli i praznici, međusobni odnosi organa, neposredno učestvovanje građana u odlučivanju, finansiranje i imovina, propisi i drugi akti, javnost rada, odnosi i saradnja Općine Breza sa drugim jedinicama lokalne samouprave u zemlji i inostranstvu, kao i svim nivoima vlasti u Bosni i Hercegovini, te druga pitanja od značaja za organizaciju i rad Općine Breza.

#### Član 2.

Općina Breza je jedinica lokalne samouprave sa pravima i obavezama utvrđenim Ustavom i zakonima.

Općina Breza je pravno lice.

#### Član 3.

U obavljanju poslova iz svoje nadležnosti, Općina će poštovati temeljna prava i slobode svakog svoga građanina i konstitutivnih naroda: Bošnjaka, Hrvata i Srba zajedno sa ostalim, te će osigurati, u najvećoj mogućoj mjeri, njihovu zastupljenost u skladu sa članom IX 11. a. Ustava Federacije Bosne i Hercegovine.

U tom cilju Općina će osigurati jednaka prava i zalagati se za jednake životne uvjete svih svojih građana, uvažavajući nacionalni, vjerski i kulturni identitet i podsticati će njihov miroljubivi suživot.

Izrazi korišteni u ovom statutu, koji se odnose na osobe i napisani su u gramatičkom obliku muškog roda, koriste se kao neutralni za ženski i muški rod.

## **II – STATUSNA OBILJEŽJA OPĆINE**

### **Član 4.**

Naziv općine je: Općina Breza.

Sjedište Općine je: Breza, ulica Bogumilska br.1.

### **Član 5.**

Područje Općine je dio državnog teritorija Bosne i Hercegovine i Federacije Bosne i Hercegovine, a u sastavu je Zeničko-dobojskog kantona.

### **Član 6.**

Granice područja Općine idu katastaraskim granicama naseljenih mjesta koja ulaze u sastav Općine u skladu sa zakonom i drugim propisima kojim se određuju naseljena mjesta: Breza, Borak, Bulbulušići, Bukovik, Bate, Banjevac, Crema, Dolovčići, Gornja Breza, Erići, Izbod, Kahve, Kamenice, Koritnik, Kolovaj, Košare, Krčevine, Mahala, Mahmutović Rijeka, Nasići, Očevlje, Opreč, Orahovo, Podžupča, Potkraj, Podgora, Prhinje, Smrekovica, Sutješćica, Smailbegovići, Slivno, Seoce, Trtorići, Vrbovik, Vlahinje, Vrankamen, Vardište, Vijesoliji, Založje i Župča.

Granice Općine ucrtane su u katastarskom operatu koji se nalazi i čuva u Općini.

### **Član 7.**

Područje Općine, njen naziv i sjedište mogu se izmijeniti u skladu sa zakonom, ovim statutom i drugim propisima.

### **Član 8.**

Općina ima grb, zastavu i pečat.

### **Član 9.**

Izgled i opis grba i zastave utvrđuju se odlukom Općinskog vijeća.

Upotreba grba i zastave uređuje se odlukom Općinskog vijeća.

### **Član 10.**

Pečat Općine je okruglog oblika čija veličina, sadržaj i način upotrebe se uređuje posebnom odlukom Općinskog vijeća.

### **Član 11.**

Dan Općine je 6. april.

Način obilježavanja Dana Općine uređuje se odlukom Općinskog vijeća.

Povodom Dana Općine dodjeljuju se općinska priznanja. Javna priznanja, uvjeti i način dodjele istih uređuju se odlukom Općinskog vijeća.

**Član 12.**

Službeni jezici u Općini su: bosanski, hrvatski i srpski jezik.

Službena pisma su latinica i ćirilica.

Ostali jezici mogu se koristiti kao sredstva komunikacije.

**III - SAMOUPRAVNI DJELOKRUG OPĆINE****Član 13.**

Općina samostalno odlučuje o poslovima iz svoga samoupravnog djelokruga i podliježe nadzoru ustavnosti i zakonitosti ovlaštenih državnih organa.

**Član 14.**

Općina obavlja poslove kojima se neposredno ostvaruju potrebe građana, i to naročito poslove koji se odnose na:

- osiguranje i zaštitu ljudskih prava i osnovnih sloboda u skladu sa Ustavom Federacije Bosne i Hercegovine,
- donošenje Budžeta Općine,
- donošenje programa i planova razvoja Općine i stvaranje uvjeta za privredni razvoj i zapošljavanje,
- utvrđivanje i provođenje politike uređenja prostora i zaštite čovjekove okoline,
- donošenje prostornih, urbanističkih i provedbenih planova, uključujući zoniranje,
- utvrđivanje i provođenje stambene politike i donošenje programa stambene i druge izgradnje,
- utvrđivanje politike korištenja i utvrđivanje visine naknada za korištenje javnih dobara,
- utvrđivanje i vođenje politike raspolaganja, korištenja i upravljanja građevinskim zemljištem,
- utvrđivanje politike upravljanja i raspolaganja imovinom Općine,
- utvrđivanje politike upravljanja prirodnim resursima Općine i raspodjele sredstava ostvarenih na osnovu njihovog korištenja,
- upravljanje, finansiranje i unapređenje djelatnosti i objekata lokalne komunalne infrastrukture:
  - vodosnabdijevanje, odvođenje i prerada otpadnih voda,
  - prikupljanje i odlaganje čvrstog otpada,
  - održavanje javne čistoće,
  - održavanje lokalnih grobalja,
  - lokalni putevi i mostovi,
  - ulična rasvjeta,
  - javna parkirališta,

- parkovi,
- organiziranje i unapređenje lokalnog javnog prijevoza,
- utvrđivanje politike predškolskog obrazovanja, unapređenje mreže ustanova te upravljanje i finansiranje javnih ustanova predškolskog obrazovanja,
- daje saglasnost za osnivanje osnovnih i srednjih škola u skladu sa zakonom,
- osnivanje, upravljanje, unapređenje i finansiranje ustanova i izgradnja objekata za zadovoljavanje potreba stanovništva u oblasti kulture i sporta,
- ocjenjivanje rada ustanova i kvaliteta usluga u djelatnosti zdravstva, socijalne zaštite, obrazovanja, kulture i sporta, te osiguranje finansijskih sredstava za unapređenje njihovog rada i kvaliteta usluga u skladu sa potrebama stanovništva i mogućnostima Općine,
- analiza stanja javnog reda i mira, sigurnosti ljudi i imovine te predlaganje mjera prema nadležnim organima za ova pitanja,
- organiziranje, provođenje i odgovornost za mjere zaštite i spašavanja ljudi i materijalnih dobara od elementarnih nepogoda i prirodnih katastrofa,
- uspostavljanje i vršenje inspekcijskog nadzora nad izvršavanjem propisa iz vlastitih nadležnosti Općine,
- donošenje propisa o porezima, naknadama, doprinosima i taksama iz nadležnosti Općine,
- raspisivanje referenduma za područje Općine,
- raspisivanje javnog zajma i odlučivanje o zaduženju Općine,
- preduzimanje mjera za osiguranje higijene i zdravlja,
- osiguravanje uvjeta rada lokalnih radio i TV stanica u skladu sa zakonom,
- osigurava i vodi evidencije o ličnim stanjima građana i biračkim spiskovima,
- obavlja poslove iz oblasti premjera i katastra zemljišta i evidencija o nekretninama,
- organizuje efikasnu lokalnu upravu prilagođenu lokalnim potrebama, te obavlja upravne poslove iz svoje nadležnosti,
- uspostavlja organizaciju mjesne samouprave,
- donosi programe mjera radi postizanja jednakosti spolova te osigurava vođenje statističkih podataka i informacija razvrstanih po spolu,
- brine o zaštiti životinja,
- zaštitu i unapređenje prirodnog okoliša i
- zaštitu potrošača.

Općina se bavi i drugim poslovima od lokalnog značaja koji nisu isključeni iz njene nadležnosti, niti dodijeljeni u nadležnost nekog drugog nivoa vlasti, a tiču se:

- podsticanja primjene djelotvornih mjera radi zaštite životnog standarda i zbrinjavanja socijalno ugroženih lica,
- brige o potrebama i interesima penzionera/umirovljenika i lica starije životne dobi,
- vrši društvenu brigu o zdravlju ljudi na nivou općine osnivanjem zdravstvenog,

- njegovanja tradicionalnih vrijednosti, njihovog unapređenja, a među njima naročito onih vezanih uz kulturno naslijeđe prostora Općine,
- poduzima mjere na očuvanju prirodne baštine, te historijskog, kulturnog i graditeljskog naslijeđa,
- u okviru propisanih uvjeta učestvuje u aktivnostima udruženja građana,
- te obavlja i druge poslove koji su od interesa za građane Općine te njen privredni, društveni, kulturni i socijalni napredak.

#### **Član 15.**

Općina, pored vlastitih nadležnosti, izvršava i poslove federalnih i kantonalnih vlasti koje joj te vlasti povjere u skladu sa zakonom, pri čemu će se voditi računa o principu supsidijarnosti i sposobnosti Općine da te poslove efikasno obavlja.

Izvršavanje nadležnosti iz prethodnog stava ovisi od nivoa dodijeljenih, odnosno ustupljenih sredstava za izvršavanje tih nadležnosti.

#### **Član 16.**

U cilju zajedničkog regulisanja i vođenja lokalnih poslova od javnog značaja, Općina Breza dobrovoljno saraduje sa drugim samoupravnim lokalnim zajednicama i u tu svrhu može udružiti sredstva, osnovati zajednička tijela i osnivati i upravljati fondovima, javnim preduzećima i institucijama.

### **IV - ORGANI OPĆINE**

#### **Član 17.**

Organi Općine su:

1. Općinsko vijeće i
2. Općinski načelnik

#### **Član 18.**

Ovlaštenja i obaveze koje proizilaze iz samoupravnog djelokruga Općine podijeljene su između organa odlučivanja Općinskog vijeća i izvršnog organa Općinskog načelnika.

Ako zakonom ili drugim propisom nije jasno određeno koji je organ nadležan za obavljanje poslova iz samoupravnog djelokruga Općine, svi poslovi i zadaci koji se odnose na uređivanje odnosa iz samoupravnog djelokruga Općine (normativne naravi) u nadležnosti su Općinskog vijeća, a svi izvršni poslovi i zadaci u nadležnosti su Općinskog načelnika.

Ako se radi o izvršnim poslovima, a nije određena nadležnost za njihovo obavljanje, nadležna je služba koju ovlasti Općinski načelnik.

#### **1. OPĆINSKO VIJEĆE**

#### **Član 19.**

Općinsko vijeće je predstavnički organ građana i organ lokalne samouprave, izabran na osnovu općeg biračkog prava na neposrednim izborima tajnim glasanjem na način

određen zakonom.

Općinsko vijeće ima 19 vijećnika.

Općinsko vijeće donosi opće akte i druge akte u okviru samoupravnog djelokruga Općine te obavlja druge poslove u skladu sa Ustavom, zakonom i ovim statutom.

Općinsko vijeće se konstituira izborom predsjedavajućeg Općinskog vijeća na prvoj sjednici na kojoj je prisutna većina općinskih vijećnika.

### **Član 20.**

Općinsko vijeće u okviru svoje nadležnosti:

1. priprema i usvaja Statut Općine dvotrećinskom većinom glasova;
2. donosi odluke i druge opće akte kojima uređuje pitanja iz samoupravnog djelokruga Općine;
3. usvaja Budžet Općine, Godišnji izvještaj o izvršenju Budžeta kao i Odluku o privremenom finansiranju u skladu sa zakonom;
4. utvrđuje općinsku politiku u okviru nadležnosti Općine i prati njeno ostvarivanje;
5. donosi razvojne, prostorne i urbanističke planove i programe te provedbene planove, uključujući zoniranje;
6. donosi propise o porezima, taksama, naknadama i doprinosima Općine u skladu sa zakonom;
7. donosi odluke o upravljanju i raspolaganju imovinom Općine;
8. donosi odluke o zaduživanju Općine, o raspisivanju javnog zajma i davanju jamstva u skladu sa zakonom;
9. donosi programe uređenja gradskog građevinskog zemljiša;
10. donosi plan korištenja javnih površina;
11. donosi odluke o organizaciji mjesne samouprave i nazivima ulica, trgova i naseljenih mjesta;
12. donosi odluke o udruživanju Općine u saveze i druge oblike organizovanja, te o trajnom uspostavljanju prijateljske i druge saradnje s lokalnim i regionalnim zajednicama drugih država;
13. donosi odluke o proglašenju praznika Općine;
14. donosi odluke o priznanjima i nagradama Općine;
15. donosi odluke o raspisivanju referenduma;
16. bira i razrješava predsjedavajućeg i zamjenika predsjedavajućeg Općinskog vijeća;
17. osniva radna tijela Općinskog vijeća te bira i razrješava njihove članove;
18. imenuje i razrješava članove Zdravstvenog savjeta;
19. imenuje, bira i razrješava druge osobe određene zakonom, Statutom i odlukama, te daje saglasnost na imenovanja, izbor i razrješavanja kada je to propisano;
20. osniva preduzeća i ustanove i druga pravna lica za obavljanje komunalnih, društvenih, privrednih i drugih djelatnosti od interesa za Općinu, te odlučuje o njihovim statusnim promjenama u skladu sa zakonom;

21. odlučuje o prestanku ustanova i drugih pravnih lica u skladu sa zakonom;
22. odlučuje o prijenosu i preuzimanju osnivačkih prava u skladu sa zakonima i Statutom;
23. razmatra Godišnji izvještaj o provođenju općinske politike i aktivnostima Općinskog načelnika;
24. utvrđuje opće smjernice za vođenje kadrovske politike općinskog organa i o tome može donositi odgovarajuće akte u skladu sa Zakonom o državnoj službi FBiH;
25. pokreće i razmatra inicijativu za pokretanje postupka opoziva Općinskog načelnika i donosi odluke o pokretanju postupka opoziva Općinskog načelnika;
26. razmatra rad ustanova i kvalitet usluga u djelatnosti zdravstva, socijalne zaštite, obrazovanja, kulture i sporta, najmanje jednom godišnje, te osigurava finansijska sredstava za unapređenje njihovog rada i kvaliteta usluga u skladu sa potrebama stanovništva i mogućnostima Općine;
27. donosi pojedinačne i druge akte iz samoupravnog djelokruga u skladu sa zakonom i ovim statutom;
28. analizira stanje javnog reda i mira, sigurnost ljudi i imovine najmanje jednom godišnje te predlaže mjere prema nadležnim organima;
29. donosi Poslovnik o svome radu;
30. utvrđuje koeficijente za obračun plaća za:
  - Općinskog načelnika,
  - savjetnike Općinskog načelnika,
  - državne službenike i namještenike u Općinskom organu uprave,
  - Općinskog pravobranioca i zamjenika Općinskog pravobranioca i
  - državne službenike i namještenike u Općinskom pravobranilaštvu;
31. te obavlja i druge poslove utvrđene zakonom i Statutom.

### **Član 21.**

Vijećnik vrši svoje dužnosti prema svom slobodnom uvjerenju, a na dobrobit svih građana Općine.

Vijećnik se u javnom životu treba ponašati u skladu sa Etičkim kodeksom vijećnika koji donosi Općinsko vijeće.

Vijećnik odgovara za ustavnost i zakonitost akata koje donosi Općinsko vijeće.

### **Član 22.**

Mandat vijećnika je četiri godine.

Mandat vijećnika prestaje u slučajevima utvrđenim Izbornim zakonom BiH.

Općinski vijećnik dužan je podnijeti ostavku na svaku od nespojivih funkcija u skladu sa posebnim zakonom, prije preuzimanja mandata vijećnika.

Općinsko vijeće će donijeti odluku o prestanku mandata zbog sukoba interesa općinskom vijećniku koji za vrijeme trajanja mandata prihvati obavljanje dužnosti koja se prema odredbama posebnog zakona smatra nespojivom.

**Član 23.**

Općinski vijećnici imaju, u skladu sa općinskom odlukom, pravo na vijećničku naknadu kao i naknadu troškova, koji su nastali u vezi sa radom u Općinskom vijeću.

**Član 24.**

U vršenju svoje dužnosti, vijećnik ima pravo naročito:

- predlagati Općinskom vijeću donošenje odluka i drugih akata te razmatrati pojedina pitanja iz njegova djelokruga,
- izjašnjavati se o svim pitanjima koja su na dnevnom redu Općinskog vijeća,
- biti birani u radna tijela Općinskog vijeća,
- postavljati pitanja Općinskom načelniku, općinskim službama, javnim ustanovama i preduzećima čiji je osnivač Općina ili obavljaju poslove od javnog interesa a imaju sjedište u Općini,
- tražiti i dobivati podatke od organa Općine i drugih općinskih pravnih subjekata, te koristiti se njihovim stručnim i tehničkim uslugama potrebnim za obavljanje poslova općinskog vijećnika,
- kroz pokretanje rasprava i inicijativa brinuti se o ostvarivanju potreba građana, mjesnih zajednica i Općine.

**Član 25.**

Ostala prava i dužnosti općinskih vijećnika utvrđuju se Poslovníkom.

**Član 26.**

Rad Općinskog vijeća je javan.

Javnost se osigurava na način da se sve sjednice Općinskog vijeća prenose uživo i snimaju i tako čine dostupnim javnosti putem odgovarajućih online platformi.

Svaka sjednica Općinskog vijeća se najavljuje na internet stranici Općine na kojoj se obavezno postavlja: mjesto i vrijeme održavanja sjednice, dnevni red sa pripadajućim materijalima za sjednicu i zapisnicima nakon završenih sjednica.

Sjednici vijeća mogu prisustvovati građani na način i pod uvjetima propisanim Poslovníkom o radu u skladu sa zakonom.

Izuzetno, Općinsko vijeće može odlučiti da određena pitanja razmatra bez prisustva javnosti.

Radi što potpunijeg i tačnijeg informisanja javnosti o rezultatima rada Općinskog vijeća i radnih tijela, može se dati službeno saopćenje za novine i za druga sredstva saopćavanja.

To su po pravilu pitanja koja se tiču sigurnosti a koja bi mogla dovesti do uznemiravanja šire društvene zajednice, što se uređuje odlukom Općinskog vijeća.

**Član 27.**

Općinsko vijeće donosi odluke većinom glasova ukupnog broja vijećnika, osim u slučajevima propisanim ovim statutom.

Statut Općine, Odluku o višegodišnjem zaduživanju Općine, te Odluku o prenošenju poslova iz samoupravnog djelokruga Općine, Općinsko vijeće donosi dvotrećinskom većinom ukupnog broja izabranih vijećnika.



### Član 28.

Prva sjednica Općinskog vijeća, u novom sazivu, održat će se najkasnije trideset dana nakon objavljivanja zvaničnih rezultata izbora.

Prvu sjednicu Općinskog vijeća saziva predsjedavajući, odnosno zamjenik predsjedavajućeg, prethodnog saziva, a njome predsjedava najstariji vijećnik novog saziva sve do izbora predsjedavajućeg Općinskog vijeća.

Ako se sjednica ne sazove na način iz stava 2. ovog člana, sjednicu će sazvati najstariji vijećnik novog saziva.

Općinsko vijeće je konstituisano izborom predsjedavajućeg Općinskog vijeća na prvoj sjednici na kojoj je prisutna većina općinskih vijećnika.

### Član 29.

Izbor predsjedavajućeg Općinskog vijeća i zamjenika predsjedavajućeg Općinskog vijeća, vrši se tajnim glasanjem na način i po proceduri utvrđenoj Poslovníkom poštujući odredbe Ustava Federacije Bosne i Hercegovine i Ustava Zeničko-dobojskog kantona.

Predsjedavajući Općinskog vijeća i Općinski načelnik u pravilu ne mogu biti iz reda istog konstitutivnog naroda.

Prilikom predlaganja izbora predsjedavajućeg i zamjenika predsjedavajućeg Općinskog vijeća osigurati će se u najvećoj mogućoj mjeri ravnopravna zastupljenost konstitutivnih naroda i ostalih te ravnopravnost spolova.

Predsjedavajući Općinskog vijeća predstavlja Općinsko vijeće i rukovodi njegovim radom u okviru prava i dužnosti Općinskog vijeća.

Zamjenik predsjedavajućeg Općinskog vijeća zamjenjuje predsjedavajućeg pri njegovoj spriječenosti i odsutnosti, ili kada mu predsjedavajući povjeri poslove iz svog djelokruga.

### Član 30.

Prava i dužnosti predsjedavajućeg Općinskog vijeća i njegovog zamjenika utvrđuju se Poslovníkom Općinskog vijeća.

### Član 31.

U cilju ostvarivanja društvene brige za zdravlje na području Općine osniva se Zdravstveni savjet Općine.

Općinsko vijeće imenuje Zdravstveni savjet Općine koji broji 5 članova.

Uvjeti za imenovanje članova Savjeta, mandat i druga pitanja od značaja za imenovanje, rad i djelovanje Savjeta urediti će se posebnom odlukom Općinskog vijeća.

### Član 32.

Općinsko vijeće osniva stalna i povremena radna tijela.

Stalna radna tijela Općinskog vijeća razmatraju nacрте i prijedloge odluka i drugih akata, te druga pitanja koja su na dnevnom redu Općinskog vijeća i o kojima daju mišljenja i prijedloge.

Povremena radna tijela osnivaju se radi razmatranja ili stručne obrade pojedinog pitanja odnosno izrade prijedloga pojedinih akata (savjeti, odbori, radne grupe i komisije).

Sastav, broj članova, djelokrug rada radnih tijela iz stava 2. i 3. ovog člana utvrđuje se Poslovníkom Općinskog vijeća.

Prilikom imenovanja članova stalnih i povremenih radnih tijela Općinsko vijeće će voditi računa da sastav tijela osigura ravnopravnu zastupljenost spolova u skladu sa zakonom.

### **Član 33.**

Općinski vijećnici obrazuju klubove vijećnika političkih stranaka-partija koje participiraju u Općinskom vijeću, kao i koalicija i nezavisnih kandidata radi olakšavanja i efikasnijeg rada Općinskog vijeća i unapređenja međustranačke i parlamentarne saradnje.

Klubovi vijećnika obrazuju se kao mehanizam djelovanja vijećnika i političkih stranaka/partija koje participiraju u Općinskom vijeću.

Obrazovanje, zadaci i način rada klubova vijećnika detaljnije se uređuju Poslovníkom.

### **Član 34.**

Za obavljanje stručnih i administrativnih, tehničkih i drugih poslova u vezi sa radom Općinskog vijeća obrazuje se Stručna služba Općinskog vijeća i Općinskog načelnika, a u skladu sa Odlukom o organizaciji općinskih službi za upravu.

Stručnom službom Općinskog vijeća i Općinskog načelnika rukovodi sekretar Općinskog vijeća.

Sekretar Općinskog vijeća je državni službenik.

## **2. OPĆINSKI NAČELNIK**

### **Član 35.**

Izvršni organ Općine je Općinski načelnik.

### **Član 36.**

Općinski načelnik se bira neposredno na način i po postupku utvrđenim zakonom.

Općinski načelnik obavlja dužnost za vrijeme mandata na koji je izabran.

Kada bude izabran, Općinski načelnik mora podnijeti ostavku na svaku od nespojivih dužnosti prije preuzimanja mandata u skladu sa zakonom.

Općinski načelnik može podnijeti ostavku.

Općinski načelnik može biti opozvan.

### **Član 37.**

Inicijativu za pokretanje postupka opoziva Općinskog načelnika sa obrazloženim navodima za opoziv može pokrenuti u pismenom obliku 1/3 vijećnika Općinskog vijeća ili 10% birača upisanih u Centralni birački spisak za područje općine.

Općinsko vijeće je dužno sve inicijative za pokretanje postupka opoziva Općinskog načelnika iz stava 1. ovog člana staviti na dnevni red prve naredne sjednice Općinskog vijeća, a najkasnije u roku od trideset (30) dana od dana dostave prijedloga predsjedavajućem Općinskog vijeća.

U slučaju prihvatanja inicijative, Općinsko vijeće je dužno donijeti Odluku o pokretanju

postupka opoziva Općinskog načelnika u roku od trideset (30) dana.

Ako Općinsko vijeće donese Odluku o prihvatanju inicijative za pokretanje postupka opoziva Općinskog načelnika provodi se postupak u kojem građani odlučuju neposrednim tajnim glasanjem.

Mandat Općinskog načelnika prestaje ukoliko natpolovična većina građana koji su glasali donese Odluku o opozivu Općinskog načelnika.

Nakon izglasavanja opoziva, novi izbori za Općinskog načelnika raspisuju se u roku od (60) šezdeset dana.

Općinsko vijeće će imenovati komisiju za provođenje postupka opoziva i provođenje novih izbora za Općinskog načelnika.

### **Član 38.**

Općinskog načelnika za vrijeme privremene spriječenosti ili odsutnosti zamjenjuje dužnosnik ili djelatnik općinskog organa uprave kojeg on ovlasti.

Dužnost Općinskog načelnika u slučaju prestanka mandata u smislu člana 5. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine i u slučaju opoziva u smislu člana 6. istog Zakona, do ponovnog izbora načelnika vrši osoba izabrana od Općinskog vijeća, natpolovičnom većinom glasova od ukupnog broja vijećnika Općinskog vijeća.

### **Član 39.**

Općinski načelnik, kao nosilac izvršnih poslova u okviru samoupravnog djelokruga Općine, u okviru svoje nadležnosti:

1. predstavlja i zastupa Općinu,
2. osigurava izvršavanje odluka i drugih akata Općinskog vijeća i odgovoran je za njihovo provođenje,
3. izrađuje i provodi trogodišnje i godišnje planove rada jedinstvenog organa uprave,
4. izrađuje i Općinskom vijeću podnosi na usvajanje Nacrt i Prijedlog Budžeta Općine,
5. izvršava Budžet Općine,
6. obavlja upravljački nadzor nad zakonitošću rada javnih ustanova kojima je osnivač Općina, te im daje upute za rad,
7. donosi akte iz svoje nadležnosti,
8. predlaže odluke i druge akte Općinskom vijeću,
9. izrađuje i Općinskom vijeću podnosi na usvajanje strategije razvoja, druge razvojne planove, investicione programe, prostorne i urbanističke planove i ostale planske i regulatorne dokumente koji se odnose na korištenje i upravljanje zemljištem, uključujući zoniranje i korištenje javnog zemljišta,
10. provodi politiku Općine u skladu sa odlukama Općinskog vijeća,
11. izvršava zakone i druge propise čije je izvršavanje povjereno Općini,
12. utvrđuje organizaciju službi za upravu i drugih službi Općine,
13. donosi Pravilnik o unutrašnjoj organizaciji općinskih službi,

14. realizira saradnju Općine sa drugim općinama, gradovima, međunarodnim i drugim organizacijama u skladu sa odlukama i zaključcima Općinskog vijeća i njegovih radnih tijela,
15. podnosi Općinskom vijeću Godišnji izvještaj ostvarivanja politike i radu,
16. odlučuje o pitanjima iz radnog odnosa zaposlenika u skladu sa zakonom,
17. brine se o zakonitom i blagovremenom obavljanju poslova iz nadležnosti općinskih službi i poduzima mjere za osiguravanje njihovog efikasnijeg rada,
18. sklapa ugovore i druge pravne poslove u skladu sa zakonom, ovim statutom i odlukom Općinskog vijeća,
19. brine se o urednom i pravilnom korištenju imovine i sredstava rada,
20. obavlja i druge poslove utvrđene zakonom, drugim propisima i ovim statutom.

#### **Član 40.**

Općinski načelnik je odgovoran za ustavnost i zakonitost akata koje donosi, odnosno predlaže Općinskom vijeću.

#### **Član 41.**

Radi izvršavanja poslova iz svoje nadležnosti, Općinski načelnik može osnovati Savjet Općinskog načelnika.

Savjet Općinskog načelnika pomaže Općinskom načelniku u donošenju, pripremanju i izvršavanju odluka i drugih akata iz njegove nadležnosti i vrši druge poslove utvrđene Statutom i drugim propisima Općine.

Vrsta, sastav i broj članova Savjeta utvrđuje se Odlukom o osnivanju Savjeta koju donosi Općinski načelnik.

#### **Član 42.**

Općinski načelnik svoju dužnost obavlja profesionalno.

Plaća Općinskog načelnika utvrđuje se odlukom koju donosi Općinsko vijeće.

Na prava i obaveze koji se odnose na radnopravni status Općinskog načelnika, ako nisu uređeni posebnim zakonom, primjenjuju se Zakon o radu i kolektivni ugovori.

## **V MEĐUSOBNI ODNOSI OPĆINSKOG VIJEĆA I OPĆINSKOG NAČELNIKA**

#### **Član 43.**

Međusobni odnosi Općinskog vijeća i Općinskog načelnika zasnivaju se na principima međusobnog uvažavanja i saradnje, uz pojedinačnu odgovornost za ostvarivanje vlastitih nadležnosti i zajedničku odgovornost za funkcionisanje i razvoj Općine.

#### **Član 44.**

Općinski načelnik najkasnije u roku od tri mjeseca od konstituirajuće (prve) sjednice Općinskog vijeća podnosi Program rada i politike koje treba ostvariti u toku mandata.

Općinsko vijeće obavezno je razmotriti Program iz prethodnog stava ovog člana u roku od 30 dana od dana dostavljanja.

Općinski načelnik svake godine dostavlja Općinskom vijeću Godišnji program rada najkasnije do 20. januara, a Općinsko vijeće isti usvaja najkasnije do 31. januara tekuće godine za tu godinu.

#### **Član 45.**

Općinsko vijeće prati provođenje godišnjih programa rada u okviru Izvještaja o radu Općinskog načelnika svake godine, najkasnije do 28. februara tekuće godine za prethodnu kalendarsku godinu.

#### **Član 46.**

Općinsko vijeće, odnosno Općinski načelnik može u roku od tri dana nakon donošenja odluke ili drugog akta zatražiti da Općinsko vijeće, odnosno Općinski načelnik preispita odluku ili akt koji smatra neustavnim ili nezakonitim, ili čije izvršenje bi moglo proizvesti nepopravljivu štetu po interese ili imovinu Općine.

U slučaju iz prethodnog stava, nadležni organ dužan je preispitati svoju odluku, odnosno akt u roku od 30 dana i obavijestiti Općinsko vijeće odnosno Općinskog načelnika o svojoj odluci, do kada se taj akt neće primjenjivati, odnosno izvršavati.

Kada Općinsko vijeće, odnosno Općinski načelnik potvrdi svoju odluku, odnosno akt, Općinsko vijeće, odnosno Općinski načelnik može u roku od 15 dana pokrenuti postupak preispitivanja odluke, odnosno akta pred nadležnim organom u skladu sa Ustavom i zakonom.

#### **Član 47.**

Općinski načelnik podnosi Izvještaj o radu Općinskog načelnika najkasnije do 15. februara tekuće godine za prethodnu kalendarsku godinu.

Povodom Izvještaja iz prethodnog stava, Općinsko vijeće može Izvještaj usvojiti, zatražiti dopunu ili odbiti najkasnije do 28. februara tekuće godine.

Ako Općinsko vijeće Izvještaj odbije, potrebno je obrazložiti razloge odbijanja te naložiti Općinskom načelniku aktivnosti i mjere koje je dužan poduzeti, predložiti akte za provođenje tih mjera i aktivnosti i odrediti rok za izvršenje.

#### **Član 48.**

Općinski načelnik je dužan odgovarati na vijećnička pitanja i inicijative u roku od 30 dana, odnosno na prvoj narednoj sjednici Općinskog vijeća.

#### **Član 49.**

Općinsko vijeće je dužno da razmotri prijedlog odluke odnosno informaciju koju podnese Općinski načelnik i o tome se izjasni najkasnije u roku od 30 dana, odnosno na prvoj narednoj sjednici.

## VI ORGANIZACIJA OPĆINSKOG ORGANA DRŽAVNE SLUŽBE

### Član 50.

Poslove lokalne samouprave i uprave iz djelokruga Općine kao i poslove uprave koje su viši nivoi vlasti prenijeli na Općinu, obavlja jedinstveni općinski organ državne službe, na način utvrđen Ustavom, zakonom, ili drugim propisom.

### Član 51.

U okviru općinskog organa državne službe formiraju se općinske službe za upravu.

Općinske službe za upravu u okviru prava i dužnosti Općine izvršavaju zakone i druge propise, odluke i druge opće akte Općinskog vijeća, Općinskog načelnika, prate stanje u upravnim oblastima za koje su obrazovane, rješavaju u upravnim stvarima, provode nadzor, poduzimaju mjere za koje su zakonom ili drugim propisom ovlaštene, pripremaju odluke i opće akte te obavljaju druge poslove iz okvira svoje nadležnosti.

### Član 52.

Općinskom načelniku u rukovođenju općinskim organom državne službe pomažu rukovodeći državni službenici:

1. pomoćnici Općinskog načelnika,
2. sekretar Općine,
3. sekretar Općinskog vijeća.

Pomoćnici Općinskog načelnika i sekretar Općinskog vijeća samostalni su u svom radu, a za svoj rad i korištenje finansijskih, materijalnih i ljudskih potencijala koji su im povjereni za obavljanje poslova u okviru djelokruga rada, odgovaraju Općinskom načelniku.

### Član 53.

Općinskom načelniku u obavljanju složenijih i značajnijih poslova iz određene oblasti rada mogu pomagati savjetnici Općinskog načelnika.

Savjetnici Općinskog načelnika nemaju status državnih službenika, a imenuje ih Općinski načelnik u skladu sa zakonom i Pravilnikom.

Savjetnici Općinskog načelnika moraju podnijeti ostavku na svaku od nespojivih dužnosti u skladu sa zakonom i to prije imenovanja na položaj savjetnika Općinskog načelnika.

Prava iz radnog odnosa savjetnici Općinskog načelnika ostvaruju u skladu sa zakonom i Pravilnikom.

### Član 54.

Poslove osnovne djelatnosti koji su zakonom i drugim propisima stavljeni u nadležnost općinskog organa državne službe, obavljaju državni službenici u okviru radnih mjesta i svoga djelokruga poslova.

Poslove administrativno-tehničke i pomoćne djelatnosti obavljaju namještenici u okviru radnih mjesta i djelokruga poslova.

**Član 55.**

Odlukom o organizaciji i djelokrugu rada općinskog organa državne službe uređuje se broj, naziv, djelokrug poslova općinskih službi, način rukovođenja i koordinacije, te druga pitanja važna za organizaciju i djelokrug rada organa.

Pravilnikom o unutrašnjoj organizaciji općinskog organa Općine Breza, uređuje se: organizacija organa državne službe, organizacionih jedinica i njihov djelokrug poslova, sistematizacija radnih mjesta, rukovođenje organom i općinskim službama, odgovornost za obavljanje poslova i radni odnosi, državni službenici sa posebnim ovlaštenjima, namještenici te druga pitanja od značaja za unutrašnju organizaciju i rad općinskog organa državne službe.

Pravilnikom o radnim odnosima, plaćama i drugim naknadama državnih službenika i namještenika općinskog organa državne službe uređuju se prava i obaveze državnih službenika i namještenika iz rada i po osnovu rada, kao što su pojam državnog službenika, zakonski principi u zapošljavanju državnih službenika i namještenika, savjetnika, odlučivanje o pravima državnih službenika, zapošljavanje, ocjenjivanje, plaća, disciplinska odgovornost i druga pitanja iz radnog odnosa.

**VII JAVNE SLUŽBE****Član 56.**

U okviru samoupravnog djelokruga, Općina osigurava obavljanje javnih službi osnivanjem javnih ustanova a u cilju trajnog i nesmetanog obavljanja djelatnosti u javnom društvenom interesu u skladu sa zakonom.

Općinsko vijeće svojom odlukom osniva javne ustanove kada ocijeni da za njihovo osnivanje postoji javni interes i pravni osnov.

Općinsko vijeće može prenijeti obaveze osnivača na drugo pravno i fizičko lice posebnom odlukom kojom se uređuje način zaštite prava korisnika usluga i druga pitanja od značaja za promjenu osnivača.

**Član 57.**

U okviru samoupravnog djelokruga, Općina osniva javna preduzeća u cilju obavljanja djelatnosti za koje ocijeni da su od javnog društvenog interesa.

Općinsko vijeće svojom odlukom osniva javna preduzeća u oblasti komunalnih djelatnosti, koja su obavezna da osiguraju trajno i kvalitetno obavljanje tih djelatnosti i za održavanje komunalnih objekata i uređaja, a naročito djelatnosti: snabdijevanje pitkom vodom, odvodnja i pročišćavanje otpadnih voda, odvoz smeća i čišćenje javnih i zelenih površina, uređivanje i održavanje grobalja, uređivanje i rad gradskih tržnica, obavljanje dimnjačarskih poslova i druge djelatnosti u skladu sa zakonom.

Posebnom odlukom mogu se odrediti i druge djelatnosti koje su, pod uvjetima određenim zakonom, od javnog društvenog interesa ili Općinsko vijeće ocijeni da su od javnog društvenog interesa za Općinu.

**Član 58.**

Općinske službe prate rad, putem imenovanih predstavnika Općine u upravnim i nadzornim odborima javnih ustanova i javnih preduzeća, te daju preporuke Općinskom načelniku, koji poduzima mjere prema javnim ustanovama i javnim preduzećima čiji je osnivač Općinsko vijeće.

Upravni odbori javnih ustanova i nadzorni odbori javnih preduzeća dužni su najmanje jednom godišnje podnijeti izvještaj o svom radu i radu navedenih pravnih subjekata Općinskom vijeću na razmatranje.

## VIII MJESNA SAMOUPRAVA

### Član 59.

Mjesna samouprava u jedinici lokalne samouprave ostvaruje se u mjesnoj zajednici kao obaveznom obliku mjesne samouprave koju osniva vijeće, te i drugim oblicima mjesne samouprave u skladu sa Statutom jedinice lokalne samouprave.

### Član 60.

Mjesnu zajednicu osniva Općinsko vijeće odlukom.

Odlukom o osnivanju mjesne zajednice utvrđuju se: naziv, sjedište, područje mjesne zajednice, mjesna područja, odnosno drugi dijelovi mjesne zajednice, poslovi iz izvornog djelokruga lokalne samouprave povjereni mjesnoj zajednici na obavljanje, finansiranje mjesne zajednice, savjet i način neposrednog izbora predsjednika i članova Savjeta mjesne zajednice, drugi organi mjesne zajednice i način njihovog izbora, informisanje građana o radu organa mjesne zajednice i organa jedinice lokalne samouprave, način i postupak donošenja odluka organa mjesne zajednice, odluke organa jedinice lokalne samouprave za čije donošenje je potrebna saglasnost organa mjesne zajednice, edukacija članova organa mjesnih zajednica, informisanje građana o radu organa mjesne zajednice, kao i druga pitanja od značaja za rad mjesne zajednice.

Mjesna zajednica se osniva za jedno naseljeno mjesto, više međusobno povezanih manje naseljenih mjesta ili za veći dio naselja koji u odnosu na ostale dijelove naselja čini prostornu i urbanu cjelinu.

Mjesno područje je teritorijalno određeni dio mjesne zajednice koji čini dio naselja ili jedno naselje ili više međusobno povezanih naselja gdje građani mogu ostvarivati svoje zajedničke interese i potrebe, a čini privrednu i društvenu cjelinu

U ostvarivanju prava iz stava 1. ovog člana mjesne zajednice su dužne uvažavati interese Općine u cjelini.

### Član 61.

Građani u mjesnoj zajednici putem organa mjesne zajednice odlučuju o poslovima značajnim za život i rad na području mjesne zajednice, a naročito:

- pokreću i učestvuju u javnoj raspravi kod pripreme i donošenja prostornih, urbanističkih i regulacionih planova na području mjesne zajednice, pokreću inicijative, daju mišljenja i učestvuju u izgradnji komunalnih objekata i objekata u općoj upotrebi;
- pokreću i učestvuju u raspravama o inicijativama i aktivnostima vezanim za društveno-ekonomski razvoj na području mjesne zajednice djelatnosti;
- brinu o zaštiti osoba kojima je potrebna pomoć i u tu svrhu pokreću saradnju sa stručnim organima u oblasti socijalne zaštite;
- staraju se o razvoju kulture i sporta i stvaraju uvjete za dostupnost ustanova i objekata kulture i sporta svim građanima, pogotovo mladim;



- saraduju sa organizacijama koje se bave vaspitanjem, obrazovanjem, kao i drugim organizacijama sa područja prosvjete i kulture o organizovanju i provođenju njihovih akcija;
- stvaraju uvjete i preduzimaju mjere za očuvanje i zaštitu prirodnih i radom ostvarenih vrijednosti čovjekove sredine;
- drugim poslovima utvrđenim Statutom i pravilima mjesne zajednice vodeći računa o vrsti i obimu potreba, raspoloživim sredstvima, kao i interesima građana u cjelini.

### **Član 62.**

Inicijativu, odnosno prijedlog za osnivanje mjesne zajednice mogu pokrenuti građani i udruženja sa područja naseljenog mjesta na kojem imaju prebivalište odnosno sjedište, Općinski načelnik i Općinsko vijeće putem svojih vijećnika.

Ako građani podnose prijedlog, odnosno inicijativu, svojim potpisom mora ga podržati najmanje 5% birača upisanih u Centralni birački spisak sa područja za koje se predlaže osnivanje mjesne zajednice.

Osim podataka o podnosiocu inicijative ili predlagaču za osnivanje mjesne zajednice, prijedlog sadrži podatke o:

- nazivu i sjedištu mjesne zajednice,
- područje naseljenog mjesta za koje se traži osnivanje mjesne zajednice i
- obrazložen razlog podnošenja prijedloga odnosno inicijative.

Uz inicijativu i prijedlog za osnivanje mjesne zajednice dostavlja se Općinskom vijeću, ako ono nije predlagač, i Nacrt statuta mjesne zajednice.

Inicijativa za osnivanje mjesne zajednice razmatra se na zborovima građana na kojima građani i udruženja imaju prebivalište, odnosno sjedište, a ista je prihvaćena ako se za nju izjasni najmanje 5% birača upisanih u Centralni birački spisak naselja za čije se područje predlaže osnivanje mjesne zajednice.

Odluka o prihvatanju inicijative, odnosno prijedloga dostavlja se Općinskom vijeću.

### **Član 63.**

Općinsko vijeće će u roku od 60 dana zauzeti stav o Odluci o prihvatanju inicijative, odnosno prijedloga za osnivanje mjesne zajednice.

Ako Općinsko vijeće prihvati inicijativu, odnosno prijedlog, zadužit će nadležnu službu Općine da pripremi prijedlog Odluke o osnivanju mjesne zajednice.

Odluka o osnivanju mjesne zajednice sadrži: naziv naselja ili dijela naselja ili više povezanih naselja za koje se osniva, naziv mjesne zajednice, njeno sjedište i ime i prezime ovlaštenog lica za podnošenje prijave za upis mjesne zajednice u Registar mjesnih zajednica.

### **Član 64.**

Izdvajanje dijela mjesne zajednice i spajanje dijela mjesne zajednice sa drugom mjesnom zajednicom, odnosno spajanje mjesnih zajednica vrši se na način i po postupku utvrđenom za osnivanje mjesne zajednice.

**Član 65.**

Mjesna zajednica ima svojstvo pravnog lica u okviru prava i dužnosti utvrđenih Statutom i Odlukom o osnivanju.

Mjesna zajednica ima pravo učestvovanja u implementaciji različitih projekata koji imaju za cilj poboljšati uvjete za život stanovnika te mjesne zajednice.

Uvjete i način učestvovanja mjesnih zajednica će biti propisan posebnom odlukom Općinskog vijeća.

Mjesna zajednica se upisuje u Registar mjesnih zajednica koji vodi nadležna služba Općine.

Rješenje o upisu u Registar mjesnih zajednica donosi Općinski načelnik, a postupak registracije i način vođenja registra utvrđuje se odlukom Općinskog vijeća.

Odluka o osnivanju mjesne zajednice i Rješenje o upisu u Registar mjesnih zajednica objavljuju se u „Službenom glasniku Općine“.

**Član 66.**

Mjesna zajednica ima Statut.

Statutom mjesne zajednice i utvrđuje se: poslovi i organizacija mjesne zajednice, organi mjesne zajednice, postupak izbora i opoziva organa mjesne zajednice, način njihovog rada i odlučivanja, javnost rada i informisanja, saradnja sa općinskim i drugim organima i organizacijama i druga pitanja od značaja za rad mjesne zajednice.

**Član 67.**

Posebnom odlukom Općinskog vijeća, a na prijedlog Općinskog načelnika, mogu se na mjesnu zajednicu prenijeti određeni stručni poslovi iz samoupravnog djelokruga Općine, koji su u nadležnosti općinskih službi za upravu, a od neposrednog su interesa za ostvarivanje prava i obaveza stanovnika mjesne zajednice.

Sredstva za obavljanje poslova iz stava 1. ovog člana, obezbjeđuju se iz Budžeta Općine.

**Član 68.**

Organi mjesne zajednice su:

1. Zbor građana,
2. Savjet mjesne zajednice i
3. predsjednik Savjeta mjesne zajednice.

**Član 69.**

Organi mjesne zajednice imaju ovlaštenja i odgovornosti utvrđene Statutom mjesne zajednice.

Organi mjesnih zajednica bit će obavezno konsultovani o pitanjima o kojima Općinsko vijeće odlučuje dvotrećinskom većinom i u postupku donošenja planova Općine, kao i o drugim pitanjima o kojima je zatražena konsultacija od Općinskog vijeća ili Općinskog načelnika.

**Član 70.**

Organi mjesne zajednice odlučuju o poslovima koji se financiraju iz sredstava koja se neposredno prikupljaju od građana mjesne zajednice.

**1. ZBOR GRAĐANA****Član 71.**

Zbor građana saziva se radi izjašnjavanja građana o pojedinim pitanjima iz samoupravnog djelokruga Općine, raspravljanja o potrebama i interesima građana, te davanja prijedloga za rješavanje pitanja od mjesnog značaja kao što su:

- izgradnja i održavanje puteva, kanalizacije, vodovoda, drugih komunalnih potreba i infrastrukture,
- uređenje naselja, izgradnja i uređenje parkova, nasada, dječijih igrališta i drugih objekata,
- zaštite okoliša i sl.

Općinsko vijeće može tražiti mišljenje od Zbora mjesne zajednice o prijedlogu općeg akta kao i drugim pitanjima iz djelokruga Općine kod provođenja javne rasprave.

**Član 72.**

Na zboru građana imaju pravo učestvovati birači koji imaju prebivalište na području za koje je sazvan zbor građana.

**Član 73.**

Zbor građana saziva predsjednik Savjeta mjesne zajednice, a može ga sazvati i Općinski načelnik i Općinsko vijeće, kada to ocijene važnim.

Zbor građana može se sazvati za cijelu mjesnu zajednicu i za dio područja mjesne zajednice koji čini određenu cjelinu (naselje, dio naselja, stambeni blok i slično), a što se određuje Statutom mjesne zajednice.

Zbor građana saziva se javnim upućivanjem poziva na način prikladan mjesnim prilikama.

Javni poziv se može uputiti putem medija ili drugih sredstava javnog informisanja, oglašavanjem na oglasnim tablama u mjesnim zajednicama, u naseljima u okviru mjesne zajednice, na javnim objektima i na drugi prikladan način.

Poziv na zbor sadrži mjesto i vrijeme održavanja zbora građana.

**Član 74.**

Organi mjesne zajednice dužni su organizovati i osigurati održavanje zbora građana.

O održavanju zbora građana brine se predsjednik Savjeta mjesne zajednice, odnosno njegov zamjenik.

Zbor građana vodi predsjednik Savjeta mjesne zajednice ili njegov zamjenik.

Zbor građana može punovažno odlučivati ako je prisutno najmanje 10% građana upisanih u Centralni birački spisak mjesne zajednice ili dijela mjesne zajednice koji čini određenu cjelinu (naselje, dio naselja, stambeni blok i slično).

### Član 75.

Odluka donesena na zboru građana obavezujuća je za Savjet mjesne zajednice, ali ne obavezuje Općinsko vijeće i Općinskog načelnika.

Mišljenja i prijedloge iznesene na zboru građana Općinsko vijeće i Općinski načelnik dužni su razmatrati u toku rasprave o pitanju na koje se ta mišljenja i prijedlozi odnose.

Organi mjesne zajednice dužni su izvijestiti zbor građana o tome šta je poduzeto u vezi s njihovim mišljenjem i prijedlozima.

## 2. SAVJET MJESNE ZAJEDNICE

### Član 76.

Savjet mjesne zajednice je organ odlučivanja i konsultovanja o pitanjima od neposrednog interesa za građane mjesne zajednice.

Prije donošenja odluke iz svoje nadležnosti, Savjet mjesne zajednice je dužan konsultovati Zbor građana mjesne zajednice o pitanjima utvrđenim Statutom mjesne zajednice.

### Član 77.

Savjet mjesne zajednice će biti obavezno konsultovan o pitanjima o kojima Općinsko vijeće odlučuje dvotrećinskom većinom i u postupku donošenja budžeta i razvojnih i prostornih planova Općine.

Konsultovanje iz prethodnog stava vrši se u fazi priprema i u postupku donošenja nacrtu odluka.

Savjet mjesne zajednice je obavezan dati mišljenje i o drugim pitanjima o kojima je zatražena konsultacija od Općinskog vijeća ili Općinskog načelnika.

### Član 78.

Savjet mjesne zajednice biraju građani s područja mjesne zajednice koji imaju opće biračko pravo.

Članovi Savjeta mjesne zajednice predlažu se neposredno na zboru.

Način i postupak provođenje izbora članova Savjeta mjesne zajednice utvrdit će se Statutom mjesne zajednice.

### Član 79.

Prijedlog kandidata za člana Savjeta mjesne zajednice mogu podnijeti: građani (pojedinačno ili grupno) – organi političkih stranaka, druge organizacije i udruženja koja djeluju na području mjesne zajednice.

Prilikom predlaganja i izbora članova Savjeta mjesne zajednice mora se voditi računa da sastav članova odražava približno nacionalnu strukturu stanovništva, te da spolovi budu ravnopravno zastupljeni.

### Član 80.

Izbori za članove Savjeta mjesne zajednice održavaju se u pravilu istovremeno u svim mjesnim zajednicama.

Mandat članova Savjeta mjesne zajednice traje četiri godine.

Broj članova Savjeta mjesne zajednice utvrđuje se Statutom mjesne zajednice, prema broju građana upisanih u Centralni birački spisak na području mjesne zajednice, s tim da svako mjesno područje (ili više manjih naselja) u Savjetu mjesne zajednice mora biti zastupljeno sa najmanje jednim članom.

### **Član 81.**

Savjet mjesne zajednice ima od 5 do 9 članova, ovisno o broju stanovnika mjesne zajednice, s tim da broj članova mora biti neparan.

Izuzetno, broj članova Savjeta mjesne zajednice može biti i veći ukoliko je broj podružnica te mjesne zajednice veći od devet.

### **Član 82.**

Članu Savjeta mjesne zajednice prestaje mandat:

- istekom vremena na koje je biran,
- smrću,
- preseljenjem na područje druge mjesne zajednice,
- upućivanjem na izdržavanje kazne zatvora duže od 3 mjeseca,
- ako je pravosnažnom sudskom presudom lišen poslovne sposobnosti,
- ostavkom,
- smjenjivanjem.

Ako članu Savjeta mjesne zajednice mandat prestane prije vremena za koje je biran, predsjednik Savjeta mjesne zajednice će, bez odlaganja a najkasnije u roku od sedam dana od dana prestanka mandata, dodijeliti mandat sljedećem kandidatu koji je dobio najveći broj glasova nakon provedenih izbora za Savjet mjesne zajednice.

### **Član 83.**

Savjet mjesne zajednice:

- donosi Statut mjesne zajednice,
- donosi Poslovnik o radu u skladu sa Statutom mjesne zajednice,
- donosi finansijski plan i završni račun,
- odlučuje o raspolaganju imovinom mjesne zajednice,
- donosi plan malih komunalnih akcija i utvrđuje prioritete u njihovoj realizaciji,
- saziva mjesne zborove građana,
- donosi Program rada i Izvještaj o radu,
- saraduje sa drugim mjesnim zajednicama, a naročito sa susjednim,
- obrazuje svoja radna tijela,
- obavlja i druge poslove utvrđene Statutom mjesne zajednice.

Savjet mjesnih zajednica obavlja i druge poslove koje mu iz samoupravnog djelokruga Općine prenese Općinsko vijeće, a koji su od značaja za mjesnu zajednicu.

**Član 84.**

Način rada i odlučivanja Savjeta mjesne zajednice utvrđuje se Statutom mjesne zajednice.

**Član 85.**

Savjet mjesnih zajednica za svoj rad odgovara Općinskom vijeću.

Općinski načelnik putem nadležne općinske službe priprema godišnji izvještaj o radu savjeta mjesne zajednice koji podnosi Općinskom vijeću na razmatranje i usvajanje.

**3. PREDSJEDNIK SAVJETA MJESNE ZAJEDNICE****Član 86.**

Kandidat sa liste za izbor članova Savjeta mjesne zajednice sa najvećim brojem osvojenih glasova je predsjednik Savjeta mjesne zajednice.

Ako kandidat iz prethodnog stava ne prihvati funkciju predsjednika Savjeta mjesne zajednice ili je iz nekog drugog razloga spriječen da obavlja funkciju ili mu prestane mandat u skladu sa članom 73. ovog statuta, predsjednik je sljedeći kandidat koji je dobio najveći broj glasova nakon provedenih izbora za Savjet mjesne zajednice.

Savjet mjesne zajednice iz svog sastava bira većinom glasova svih članova zamjenika predsjednika Savjeta mjesne zajednice.

**Član 87.**

Predsjednik Savjeta mjesne zajednice i član Savjeta može biti opozvan po postupku i na način utvrđen Statutom mjesne zajednice.

**Član 88.**

Funkcija predsjednika i članova Savjeta mjesne zajednice su počasne.

**Član 89.**

Predsjednik Savjeta mjesne zajednice:

- zastupa mjesnu zajednicu i Savjet mjesne zajednice,
- prikuplja i analizira potrebe koje je neophodno rješavati u MZ,
- ostvaruje saradnju mjesne zajednice sa drugim mjesnim zajednicama i pokreće saradnju po pitanjima od zajedničkog interesa,
- promovira i održava savjetovanja o problemima od interesa za građane u mjesnoj zajednici koji su u nadležnosti organa mjesne zajednice i Općine,
- osigurava blagovremeno i potpuno informisanje o aktivnostima i inicijativama organa mjesne zajednice, saziva sjednice Savjeta, predlaže dnevni red, predsjeda sjednicama Savjeta i potpisuje akte Savjeta,
- provodi i osigurava provođenje odluka Savjeta i podnosi izvještaje o provođenju odluka Savjeta,
- saraduje sa organima i službama Općine,
- učestvuje u provođenju mjera civilne zaštite u skladu sa aktivnostima organa i službi Općine,

- informiše građane o pitanjima važnim za mjesnu zajednicu,
- obavlja i druge poslove koje mu povjeri Savjet.

Predsjednik Savjeta mjesne zajednice odgovara za svoj rad građanima i Savjetu mjesne zajednice.

#### **Član 90.**

Sredstva za rad mjesnih zajednica, odnosno sredstva za obavljanje poslova koji su iz samoupavnog djelokruga Općine preneseni ili povjereni mjesnim zajednicama osiguravaju se u Budžetu Općine.

Mjesna zajednica može osigurati prihode za obavljanje svojih poslova i iz:

- sredstava samodoprinosna,
- sredstava za usluge koje svojim aktivnostima ostvari,
- sredstava od imovine i imovinskih prava,
- sredstava od pomoći, poklona pravnih i fizičkih lica
- grantova od viših nivoa vlasti,
- projekata koji se finansiraju putem domaćih i međunarodnih donatora.

Mjesna zajednica koristi sredstva u skladu sa svojim programima i planovima.

#### **Član 91.**

Općinsko vijeće će posebnom odlukom utvrditi kriterije i ukupnu visinu sredstava u Budžetu Općine za rad i funkcionisanje mjesnih zajednica, kao i kriterije za podjelu tih sredstava na mjesne zajednice te način i uvjete korištenja tih sredstava.

#### **Član 92.**

Stručne, administrativne i finansijsko-računovodstvene poslove za potrebe organa mjesnih zajednica vrši nadležna služba Općine.

#### **Član 93.**

Nadzor nad radom organa mjesne zajednice vrši Općinsko vijeće, nadležna služba Općine i Općinski načelnik.

#### **Član 94.**

Općinsko vijeće posebnom odlukom će uspostaviti Koordinacioni savjet mjesnih zajednica.

Članovi Savjeta su: predsjednici Savjeta mjesnih zajednica, predsjedavajući Općinskog vijeća i Općinski načelnik.

Predsjednik Savjeta je Općinski načelnik.

Savjet će se sastajati minimalno jednom u dva mjeseca, po potrebi i češće.

Savjet će donijeti poslovnik o radu.

Predsjedavajući Općinskog vijeća i Općinski načelnik, dužni su u toku kalendarske godine posjetiti sve mjesne zajednice u sastavu općine.

**IX NEPOSREDNO UČESTVOVANJE GRAĐANA U ODLUČIVANJU I  
IZJAŠNJAVANJE GRAĐANA O PITANJIMA IZ SAMOUPRAVNOG  
DJELOKRUGA OPĆINE****Član 95.**

Oblici neposrednog učestvovanja u odlučivanju i izjašnjavanju građana o lokalnim poslovima iz samoupravnog djelokruga Općine su:

- referendum,
- zbor građana,
- građanska inicijativa,
- podnošenje podnesaka i pritužbi,
- drugi oblici neposrednog učestvovanja i komunikacije građana u odlučivanju i izjašnjavanju.

**REFERENDUM****Član 96.**

Općinsko vijeće pod uvjetima propisanim zakonom i ovim statutom može raspisati referendum o svakom pitanju iz samoupravnog djelokruga Općine koje je od posebnog i neposrednog interesa za razvoj Općine ili za građane Općine o kojem Općinsko vijeće ima pravo donositi odluke.

Pravo na odlučivanje na referendumu imaju građani koji imaju prebivalište na području Općine i koji su upisani u Centralni birački spisak.

Prijedlog po kojem su se građani izjašnjavali referendumom smatra se prihvaćenim ako se za njega izjasnilo više od polovine građana upisanih u Centralni birački spisak.

Odluka donesena na referendumu je obavezujuća.

**Član 97.**

Prijedlog za raspisivanje referenduma mogu podnijeti:

- jedna trećina vijećnika Općinskog vijeća,
- Općinski načelnik,
- jedna trećina mjesnih zajednica (na osnovu odluke koju donosi zbor građana mjesne zajednice).

**Član 98.**

Općinsko vijeće će odlučiti o prijedlogu za raspisivanje referenduma u roku od 60 dana od dana njegovog prijema.

U odluci o raspisivanju referenduma utvrđuje se pitanje o kojem građani treba da se izjasne na referendumu, određuje se datum održavanja referenduma, kao i mjesta na kojem će se referendum provesti.

Građani se po pitanju koje je postavljeno na referendumu izjašnjavaju sa „ZA“ ili „PROTIV“.

Referendum provodi komisija koju imenuje Općinsko vijeće.



Sastav komisije, djelokrug poslova, kao i ostale odredbe o provođenju postupka referenduma utvrđuje Općinsko vijeće Odlukom o raspisivanju referenduma u skladu sa zakonom.

#### **Član 99.**

Prijedlog koji na referendumu nije prihvaćen, ne može se ponovno iznijeti na referendum prije isteka roka od godinu dana od dana održavanja referenduma.

#### **Član 100.**

Odluka o raspisivanju referenduma objavljuje se u „Službenom glasniku Općine Breza“.

### **GRADANSKA INICIJATIVA**

#### **Član 101.**

Građani mogu Općinskom vijeću podnositi inicijative za donošenje određenog akta ili rješavanja određenog pitanja iz samoupravnog djelokruga Općine koje je od posebnog i neposrednog interesa za građane.

Građanska inicijativa mora biti argumentirano obrazložena, a ukoliko su za realizaciju inicijative potrebna sredstva, mora sadržavati prijedlog načina njihovog osiguranja.

Općinsko vijeće je dužno razmotriti građansku inicijativu koju je svojim potpisom uz navođenje jedinstvenog matičnog broja podržalo najmanje 5% birača upisanih u Centralni birački spisak podružnice i donijeti po istoj odluku na prvoj narednoj sjednici, a najkasnije u roku od šezdeset (60) dana od dana dostavljanja Općinskom vijeću.

Općinsko vijeće će odbaciti građansku inicijativu ukoliko pitanje o kojem je pokrenuta nije u djelokrugu Općinskog vijeća uz uputu o nadležnom organu za njeno rješavanje i preporuku nadležnom organu da inicijativu uzme u razmatranje.

Općinsko vijeće će odbaciti građansku inicijativu ukoliko ne ispunjava formalne uvjete iz stava 2. i 3. ovog člana, tj. ako se provjerom utvrdi da potpisani građani nisu upisani u Centralni birački spisak koji se vodi za područje Općine.

#### **Član 102.**

Odluka o prihvatanju, odbijanju, ili odbacivanju građanske inicijative dostavlja se podnosiocima odmah po njenom donošenju.

### **PODNESCI I PRITUŽBE**

#### **Član 103.**

Građani i pravna lica pojedinačno ili grupno mogu podnositi podneske i pritužbe Općinskom vijeću i Općinskom načelniku.

Organi iz prethodnog stava dužni su omogućiti građanima i pravnim licima podnošenje podnesaka na svoj rad te na odnos zaposlenih u tim organima kada im se obraćaju radi ostvarivanja svojih prava i interesa ili izvršavanja građanskih dužnosti.

Podnesak i pritužbe moraju biti potpisani i moraju sadržavati imena i prezimena kao i adrese građana koji ih potpisuju i njihove jedinstvene matične brojeve, odnosno naziv i

sjedište pravnog subjekta.

Organi Općine iz stava 1. dužni su u roku od 30 dana od dana podnošenja podneska ili prigovora odgovoriti građanima odnosno pravnim subjektima koji su prigovor ili podnesak podnijeli.

Podneske mogu podnositi građani koji imaju biračko pravo i prebivalište na području Općine.

Podnesak građana ne obavezuje organ kojem se podnosi.

Organi iz stava 1. su dužni u službenim prostorijama na vidnom mjestu osigurati potrebna tehnička i druga sredstva za podnošenje podnesaka te omogućiti usmeno davanje istih.

## **DRUGI OBLICI UČESTVOVANJA GRAĐANA U ODLUČIVANJU I IZJAŠNJAVANJU O PITANJIMA IZ SAMOUPRAVNOG DJELOKRUGA OPĆINE**

### **JAVNA RASPRAVA**

#### **Član 104.**

Općinsko vijeće putem javne rasprave omogućava građanima i pravnim licima da učestvuju u donošenju propisa iz nadležnosti Općine, u skladu sa zakonom, Statutom i Poslovníkom Općinskog vijeća.

Poslovníkom Općinskog vijeća detaljnije će se regulisati obaveze predlagача i način vođenja javne rasprave.

### **SATI GRAĐANA**

#### **Član 105.**

Općinski načelnik i predsjedavajući Općinskog vijeća mogu odrediti najmanje jedan dan u mjesecu, u kojem će dio radnog vremena posvetiti neposrednom susretu i razgovoru sa građanima.

Detaljnije odredbe o načinu i terminima organiziranja susreta određuju se posebnim aktom.

## **X IMOVINA, ZAŠTITA IMOVINE I FINANSIRANJE OPĆINE**

### **a) IMOVINA OPĆINE**

#### **Član 106.**

Sve pokretne i nepokretne stvari i imovinska prava koja pripadaju Općini, u skladu sa zakonom, čine imovinu Općine.

Imovinom u vlasništvu Općine mora se upravljati u skladu sa zakonom i drugim propisima, te u interesu lokalnog stanovništva i s pažnjom dobrog domaćina.

Općinsko vijeće odlučuje o pribavljanju, korištenju, upravljanju i raspolaganju imovinom Općine.

Izuzetno od prethodnog stava, Općinski načelnik može da odlučuje:

- o nabavljanju, prodaji, prenošenju prava korištenja, rashodovanju, davanju ili uzimanju na poslugu ili uz zakup pokretnih stvari i opreme potrebne za rad organa uprave do visine od 50.000,00 KM po svakom pojedinačnom slučaju.

#### **Član 107.**

O načinu upravljanja imovinom Općine iz prethodnog člana Općinsko vijeće će donijeti posebno Upustvo.

#### **Član 108.**

Imovinom Općine, koju je Općinsko vijeće prenijelo svojom odlukom na upravljanje drugim javnim preduzećima i ustanovama, te ustanove i preduzeća upravljaju u skladu sa njihovom namjenom i zakonom.

Svako ima pravo služiti se javnim dobrima u općoj upotrebi prema namjeni određenoj zakonom, odlukom Općine ili kako odredi pravna osoba kojoj je data na upravljanje i koja njima neposredno upravlja.

#### **Član 109.**

Općinski načelnik je dužan najmanje jednom godišnje izvijestiti Općinsko vijeće o stanju općinske imovine.

### **b) ZAŠTITA IMOVINE**

#### **Član 110.**

Pravnu zaštitu imovine i imovinskih interesa Općine obavlja Općinsko pravobranilaštvo u skladu sa nadležnostima propisanim zakonom.

Općinsko pravobranilaštvo osniva Općinsko vijeće u skladu sa posebnim zakonom.

### **c) FINANSIRANJE OPĆINE**

#### **Član 111.**

Općina ima svoje prihode kojima u okviru samoupravnog djelokruga slobodno raspolaže.

Prihodi Općine srazmjerni su poslovima koji su u skladu sa zakonom u njenom djelokrugu.

#### **Član 112.**

Prihodi Općine su:

a) vlastiti prihodi:

- porezi na imovinu, porez od poljoprivredne djelatnosti, porez na promet nekretnina i drugi porezi u skladu sa zakonom i drugim propisima,
- prihodi od imovine u vlasništvu Općine i imovinskih prava,
- komunalne takse, druge takse i naknade u skladu sa općinskim propisima,

- novčane kazne i oduzeta imovinska korist za prekršaje koje Općina propisuje,
- prihodi od preduzeća i drugih pravnih lica u vlasništvu Općine,
- kamata u skladu sa zakonom,
- prihodi od koncesije u skladu sa zakonom,
- prihodi od samodopirnosu u skladu sa općinskom odlukom i ovim statutom,
- darovi, nasljedstva, pomoći i donacije,
- prihodi od budžetskih korisnika,
- drugi prihodi utvrđeni zakonom ili odlukom Općinskog vijeća.

b) drugi prihodi Općine:

- prihodi od dijeljenih poreza u skladu sa zakonom,
- transferi i grantovi od viših nivoa vlasti,
- dug u skladu sa zakonom.
- 

#### **Član 113.**

Općina može radi zadovoljavanja zajedničkih potreba građana prikupljati finansijska sredstva na osnovu neposrednog izjašnjavanja građana u skladu sa zakonom, odnosno ovim statutom.

Odluku o pokretanju postupka prikupljanja finansijskih sredstava na način utvrđen prethodnim stavom, donosi Općinsko vijeće na prijedlog:

- jedne trećine vijećnika Općinskog vijeća,
- Općinskog načelnika,
- jedne trećine mjesnih zajednica na osnovu odluka zborova građana.

#### **Član 114.**

Ostvarenim prihodima Općina samostalno raspolaže kroz Budžet koji donosi Općinsko vijeće u skladu sa zakonom i drugim propisima.

#### **Član 115.**

Prihodi i rashodi Općine utvrđuju se u Budžetu Općine.

Svi prihodi i primici Budžeta moraju biti raspoređeni u Budžetu i iskazani po izvorima iz kojih potiču.

Prihodi i rashodi Budžeta moraju biti uravnoteženi.

#### **Član 116.**

Nacrt budžeta Općine Općinskom vijeću podnosi Općinski načelnik najkasnije do 30. novembra tekuće godine.

Općinski načelnik je obavezan putem nadležne općinske službe pribaviti mišljenje Kantonalnog ministarstva finansija u vezi sa planiranim prihodima i rashodima u skladu sa zakonom a prije slanja Budžeta na Općinsko vijeće.

Budžet Općine donosi Općinsko vijeće većinom glasova od ukupnog broja vijećnika

najkasnije do 31. decembra tekuće godine.

Ukoliko Općinsko vijeće ne donese Budžet u roku iz prethodnog stava, do usvajanja Budžeta, a najduže do 31. marta, finansiranje se obavlja privremeno.

Odluku o privremenom finansiranju donosi Općinsko vijeće.

Privremeno finansiranje u smislu stava 3. ovog člana obavlja se razmjerno sredstvima utrošenim u istom periodu, odnosno najviše do tromjesečnog prosjeka za prethodnu fiskalnu godinu, umanjenog za kapitalne investicije, izuzev onih čija se realizacija nastavlja u tekućoj godini.

#### **Član 117.**

Ukoliko se Budžet ne usvoji do 31. marta tekuće budžetske godine, Općinski načelnik proglašava Budžet koji stupa na snagu danom objave u „Službenom glasniku Općine Breza“.

#### **Član 118.**

Ukoliko Općinski načelnik, Općinsko vijeće ili jedna trećina vijećnika smatraju da usvojeni Budžet u određenoj poziciji može ugroziti funkcionisanje Općine, mogu u roku od sedam (7) dana tražiti arbitražu u skladu sa zakonom.

#### **Član 119.**

Općinski načelnik upravlja prihodima i rashodima utvrđenim u Budžetu Općine i odgovoran je za izvršavanje Budžeta u skladu sa zakonom, Odlukom o izvršavanju Budžeta i drugim propisima.

Općinsko vijeće nadzire ukupno materijalno i finansijsko poslovanje Općine, te korisnika općinskog Budžeta što se tiče namjene, obima, dinamike i korištenja sredstava.

Po isteku godine za koju je Budžet donesen sastavlja se završni račun i Izvještaj o izvršenju Budžeta.

Za izvršenje općinskog Budžeta neposredno je odgovoran Općinski načelnik.

#### **Član 120.**

Općina se može zaduživati, davati jamstva i garancije u skladu sa zakonom.

## **XI PROPISI I DRUGI AKTI OPĆINE**

#### **Član 121.**

Općinsko vijeće u okviru samoupravnog djelokruga donosi propise i druge akte, preporuke, smjernice, deklaracije, rezolucije te pojedinačne akte u skladu sa zakonom i ovim statutom.

Općinsko vijeće donosi sljedeće propise: Statut, Budžet, planske dokumente, odluke, pravilnike, poslovnike i druge propise utvrđene Poslovníkom Općinskog vijeća.

Općinsko vijeće donosi rješenja i zaključke kao pojedinačne akte.

Poslovníkom o radu Općinskog vijeća utvrđuju se način i postupak donošenja propisa i akata Općinskog vijeća.

**Član 122.**

Općinski načelnik u izvršavanju zakona, propisa i općih akta iz samoupravnog djelokruga Općine donosi pojedinačne akte i unutrašnje opće akte i to: rješenja, zaključke, naredbe, upustva, pravilnike i druge akte za čije je donošenje ovlašten zakonom, drugim propisom, ovim statutom ili odlukom Općinskog vijeća.

**Član 123.**

Akti organa i tijela Općinskog vijeća su rješenja i zaključci.

Protiv prvostepenih akata Općinskog načelnika kada je Općinski načelnik rješavao na osnovu propisa Općine, u drugom stepenu rješava Drugostepena upravna komisija koju kao drugostepeni organ imenuje Općinsko vijeće.

**Član 124.**

Odluke i drugi opći akti objavljuju se u „Službenom glasniku Općine“, prije nego što stupe na snagu.

Odluke i drugi opći akti stupaju na snagu danom objavljivanja.

**Član 125.**

U „Službenom glasniku Općine“, osim odluka i drugih općih akata, objavljuju se autentična tumačenja tih akata, rješenja, Budžet Općine, Godišnji izvještaj o izvršenju Budžeta, obračun Budžeta (završni račun), programi i planovi razvoja, akti izbora i imenovanja, akti raspolaganja općinskom imovinom te drugi akti kada to odrede organi koji ih donose.

**XII DONOŠENJE I PROMJENE STATUTA OPĆINE****Član 126.**

Postupak za donošenje Statuta pokreće se donošenjem Odluke o izradi Statuta i obuhvata: pripremu i razmatranje nacрта, javnu raspravu, utvrđivanje prijedloga i usvajanje Statuta.

**Član 127.**

Općinsko vijeće formira Komisiju za izradu Statuta Općine u koju se imenuju istaknuti naučni, stručni i javni radnici.

**Član 128.**

Postupak za promjenu Statuta Općine pokreće se prijedlogom za promjenu Statuta.

Prijedlog za promjenu Statuta može podnijeti Općinski načelnik, stalna radna tijela Općinskog vijeća, jedna trećina vijećnika Općinskog vijeća.

Prijedlog iz stava 2. ovog člana mora biti obrazložen, a podnosi se predsjedavajućem Općinskog vijeća u pismenoj formi.

**Član 129.**

Prijedlog za promjenu Statuta predsjedavajući Općinskog vijeća upućuje Komisiji za

izradu Statuta Općine, koja ga razmatra i uz mišljenje upućuje Općinskom vijeću.

#### **Član 130.**

O prijedlogu za promjenu Statuta provodi se rasprava na sjednici Općinskog vijeća.

Prihvaćeni prijedlog promjene Statuta dostavlja se vijećnicima Općinskog vijeća, organima mjesnih zajednica, udruženjima koja djeluju na području Općine radi vođenja javne rasprave o predloženim promjenama i davanju primjedbi i prijedloga, nakon čega se prijedlog upućuje vijeću na usvajanje.

Ako se ne prihvati prijedlog za promjenu Statuta, isti se ne može ponovno staviti na dnevni red sjednice Općinskog vijeća, prije isteka šest mjeseci.

#### **Član 131.**

O izmjeni i dopuni Statuta, Općinsko vijeće donosi statutarnu odluku.

Komisija za izradu Statuta Općine može podnošenjem prijedloga statutarne odluke predložiti izmjenu i dopunu Statuta, radi usklađivanja Statuta sa zakonom bez prethodne rasprave.

#### **Član 132.**

Prijedlog Statuta i prijedlog statutarne odluke dostavlja se Komisiji za propise.

Statut i statutarna odluka donose se dvotrećinskom većinom glasova svih vijećnika u Općinskom vijeću Općine.

### **XIII JAVNOST RADA I INFORMISANJE**

#### **Član 133.**

Općina je dužna osigurati javnost rada svojih organa u postupku donošenja odluka te omogućiti građanima da neposredno učestvuju u postupku donošenja odluka i odlučivanju, u skladu sa zakonom i ovim statutom.

Na sjednicama radnih tijela Općinskog vijeća omogućuje se prisustvovanje predstavnicima sredstava javnog informisanja i građanima u skladu sa Poslovníkom Općinskog vijeća.

#### **Član 134.**

Općinsko vijeće dužno je upoznati javnost o obavljanju poslova iz svoga djelokruga i izvještavati je o svome radu i radu svojih tijela preko sredstava javnog informisanja, ili na drugi pogodan način.

#### **Član 135.**

Transparentnost rada Općine ostvaruje se kroz otvorenost postupka realizacije općinskih propisa i akata, kroz primjenu zakona i drugih propisa te kroz upoznavanja javnosti sa njihovom primjenom.

Transparentnost se osigurava kroz slobodan pristup informacijama i informisanje javnosti, objavljivanja izvještaja, budžeta i drugih sadržaja vlastitog informacijskog sistema, informativnog biltena i kroz druge oblike informisanja.

**Član 136.**

Općina objavljuje donesene propise i akte iz svoje nadležnosti.

Općina neće objaviti ili na drugi način učiniti javno dostupnim propise i akte čije bi objavljivanje bilo u suprotnosti sa zakonom, drugim propisima i aktima Općinskog vijeća, kao ni informacije koje uključuju lične interese koji se odnose na privatnost trećeg lica, osim ako je to opravdano javnim interesima.

**XIV ODNOS OPĆINE I GRAĐANA****Član 137.**

Općina će organizirati svoj rad i poslovanje tako da građani i pravna lica mogu na jednostavan i djelotvoran način ostvariti svoja Ustavom zagarantovana prava i zakonom zaštićene interese te ispunjavati građanske dužnosti.

**Član 138.**

Organ uprave će na proaktivan način obezbijediti građanima i svim zainteresovanim uvid u važeće zakone i druge propise te opće akte Općine. To podrazumijeva da će svi pobrojani akti i propisi biti javno dostupni putem zvanične internet stranice Općine.

Sedmični i dnevni raspored radnog vremena i druga pitanja u vezi sa radnim vremenom u općinskom organu državne službe utvrđuje Općinsko vijeće, o čemu građani moraju biti na prikladan način javno obaviješteni.

**XV ODNOS I SARADNJA SA FEDERALNIM  
I KANTONALNIM VLASTIMA****Član 139.**

Općinske i kantonalne vlasti djeluju zajednički na partnerskim osnovama, osim u oblasti administrativnog nadzora koji vrše federalne i kantonalne vlasti u pogledu rada organa Općine.

**Član 140.**

Općina i Zeničko-dobojski kanton međusobno sarađuju radi rješavanja pitanja od zajedničkog interesa, a posebno u postupku donošenja zakona i drugih akata koji se neposredno tiču Općine, te u tom smislu Općina daje inicijative, mišljenja i prijedloge ovlaštenim organima.

Inicijative, mišljenja i prijedloge u ime Općine mogu podnositi Općinsko vijeće i Općinski načelnik, kao i vijećnici pojedinačno.

**Član 141.**

Općina je dužna informisati federalne, odnosno kantonalne vlasti o svim pitanjima i problemima značajnim za izvršavanje prenesenih nadležnosti, a naročito o problemima u provođenju utvrđene politike i izvršavanju propisa.

U vršenju povjerenih ovlaštenja i izvršavanju prenesenih poslova, Općina je dužna primjenjivati upustva i smjernice koje dobije od federalnih i kantonalnih vlasti u skladu sa



zakonom.

#### **Član 142.**

U postupku donošenja propisa, koji se direktno tiču Općine, obaveza je federalnih i kantonalnih vlasti da u najvećoj mogućoj mjeri konsultiraju Općinu.

### **XVI UDRUŽIVANJE I SARADNJA SA DRUGIM OPĆINAMA U ZEMLJI I INOSTRANSTVU**

#### **Član 143.**

Radi ostvarivanja zajedničkih interesa u unapređivanju privrednog, društvenog i kulturnog razvoja, Općina uspostavlja i održava saradnju sa gradovima i općinama u Bosni i Hercegovini.

O oblicima i načinu saradnje Općina zaključuje sporazum koji može imati i drugi naziv (ugovor, povelja, memorandum ili sl.).

#### **Član 144.**

Općina se može udruživati u Savez općina Federacije BiH, o čemu odlučuje Općinsko vijeće.

Udruživanje iz stava 1. ovog člana, ima za cilj da se u Savez općina Federacije BiH ostvaruju i unapređuju određeni zajednički interesi i osigurava njihova zaštita.

#### **Član 145.**

Općina može uspostaviti trajnu prijateljsku saradnju i druge oblike saradnje sa lokalnim i regionalnim jedinicama drugih država, te može pristupati međunarodnim udruženjima lokalnih zajednica u skladu sa zakonom i međunarodnim ugovorima i odlukom Općinskog vijeća.

O uspostavljanju saradnje, odnosno sklapanju sporazuma o saradnji te sadržaju i oblicima saradnje odlučuje Općinsko vijeće, pod uvjetima utvrđenim zakonom i ovim statutom.

#### **Član 146.**

Općina može odlukom Općinskog vijeća proglasiti prijateljskim pojedini grad u zemlji i inostranstvu zbog njegovog doprinosa u uspostavljanju i razvoju međusobnih odnosa kojima se ostvaruje prijateljstvo i potiče se razvoj Općine i države Bosne i Hercegovine.

### **XVII PRELAZNE I ZAVRŠNE ODREDBE**

#### **Član 147.**

Odredbe člana 18. st. 2. primjenjivat će se od narednih Općinskih izbora koji će se održati u oktobru 2024. godine.

#### **Član 148.**

Danom stupanja na snagu ovog statuta prestaje da važi Statut Općine Breza objavljen

u "Službenom glasniku Općine Breza", broj: 10/07, 5/08 i 7/09.

#### **Član 149.**

Općina će uskladiti svoje propise i akte sa ovim statutom u roku od šest mjeseci od dana stupanja na snagu ovog statuta.

#### **Član 150.**

Ovaj statut stupa na snagu narednog dana od dana objavljivanja u "Službenom glasniku Općine Breza".

Broj: 01/1-02-663/21  
Breza, 30.06.2021.godine

**PREDSJEDAVAJUĆI**  
Općinskog vijeća  
Anel Rihčić, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Na osnovu člana 20. stav 1. Zakona o lokalnoj samoupravi („Službene novine Zeničko-dobojskog kantona“, broj: 13/98, 8/00 i 2/05), člana 22. i 115. stav 2. Statuta Općine Breza („Službeni glasnik Općine Breza“, broj: 8/09 - prečišćeni tekst), Općinsko vijeće Breza na osmoj redovnoj sjednici, održanoj dana 30.06.2021. godine, donosi

### **O D L U K U**

#### **o utvrđivanju visine naknade vijećnicima i Predsjedavajućem Općinskog vijeća Općine Breza**

#### **Član 1.**

Ovom Odlukom, utvrđuje se visina i način isplate novčane naknade i naknade troškova koji su nastali u vezi sa radom u Općinskom vijeću, vijećnicima i Predsjedavajućem Općinskog vijeća Općine Breza, u okviru prava i dužnosti utvrđenih zakonom, Statutom Općine Breza i Poslovníkom o radu Općinskog vijeća Breza.

#### **Član 2.**

Vijećnik Općinskog vijeća (u daljem tekstu: vijećnik), ima pravo na novčanu naknadu za vršenje funkcije vijećnika u iznosu od 220,00KM mjesečno.

Predsjedavajući Općinskog vijeća (u daljem tekstu: Predsjedavajući) ima pravo, pored naknade utvrđene u stavu 1. ovog člana, na novčanu naknadu za vršenje funkcije Predsjedavajućeg u iznosu od 150,00KM mjesečno.

#### **Član 3.**

Predsjednici klubova parlamentarnih stranaka – partija (u daljem tekstu predsjednici klubova) imaju pravo, po osnovu rada na pripremi sjednice Općinskog vijeća, na novčanu naknadu u iznosu od 30,00KM mjesečno.

Vijećnik koji neopravdano izostane sa sjednice Općinskog vijeća gubi pravo na dio mjesečne novčane naknade u iznosu od 30%.

Vijećnik koji dva puta uzastopno neopravdano izostane sa sjednice Općinskog vijeća, gubi pravo na dio mjesečne novčane naknade u iznosu od 50%.

#### **Član 4.**

Predsjednik kluba gubi pravo na novčanu naknadu utvrđenu članom 3. ove Odluke, ukoliko ne prisustvuje sastanku predsjednika klubova političkih stranaka – pratija.

#### **Član 5.**

Isplatu naknada utvrđenih po osnovu ove Odluke vrši Služba za finansije, inspeksijske poslove i opću upravu Općine Breza, na osnovu ove Odluke i Pregleda prisustvovanja vijećnika sjednici Općinskog vijeća, koji sačinjava Stručna služba Općinskog vijeća i Općinskog načelnika, svakog tekućeg mjeseca za prethodni mjesec.

Stručna služba Općinskog vijeća i Općinskog načelnika Pregled prisustvovanja iz prethodnog stava sačinjava na osnovu službene evidencije o održanim sjednicama.

Isplata se vrši na lične račune vijećnika.

#### **Član 6.**

Naknade utvrđene ovom Odlukom u cjelosti se obezbjeđuju u Budžetu Općine Breza, a iste su u ovoj Odluci utvrđene u neto iznosu i primjenjivat će se narednih 9 mjeseci.

#### **Član 7.**

Stupanjem na snagu ove Odluke, prestaje da važi Odluka o utvrđivanju visine naknade vijećnicima i Predsjedavajućem Općinskog vijeća Općine Breza („Službeni glasnik Općine Breza“, broj: 7/13) i Odluke o izmjeni Odluke o utvrđivanju visine naknade vijećnicima i Predsjedavajućem Općinskog vijeća Općine Breza („Službeni glasnik Općine Breza“, broj: 1/19).

#### **Član 8.**

Ova Odluka stupa na snagu narednog dana od dana objavljivanja u „Službenom glasniku Općine Breza“.

Broj: 01/1-02-1836/21  
Breza: 30.06.2021. godine

PREDSJEDAVAJUĆI  
Općinskog vijeća  
Anel Rihčić, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Na osnovu člana 37. stav 7. i člana 42. Zakona o prostornom uređenju i građenju Zeničko-dobojskog kantona („Službene novine Zeničko-dobojskog kantona“, broj: 1/14 i 4/16) i člana 19. stav (1) tačka 2. i tačka 5. Statuta općine Breza – Prečišćeni tekst („Službeni glasnik Općine Breza“, broj: 8/09), Općinsko vijeće Breza na osmoj redovnoj sjednici održanoj dana 30.06.2021.godine, donosi

**O D L U K U**  
**o pristupanju izradi Izmjena i dopuna Regulacionog plana**  
**„Uže urbano područje grada Breza“**

**Član 1.**

Pristupa se izradi Izmjena i dopuna Regulacionog plana „Uže urbano područje grada Breza“ („Službeni Glasnik Općine Breza“, broj: 10/18), u daljnjem tekstu „Izmjene i dopune plana“.

**Član 2.**

Granice obuhvata regulacionog plana na koji se odnose Izmjene i dopune ostaju nepromijenjene, u odnosu na usvojeni Regulacioni plan „Uže urbano područje grada Breza“ („Službeni Glasnik Općine Breza“, broj: 10/18), čiji prikaz je u prilogu ove odluke.

**Član 3.**

Izmjene i dopune plana se donose za period do kraja 2023. godina.

**Član 4.**

**Smjernice za izradu izmjena i dopuna plana**

Na osnovu temeljne analize i valorizacije postojećeg stanja uređenja prostora u obuhvatu plana, utvrđeno je da je potrebno izvršiti usklađivanje planiranog i izvedenog stanja i riješiti probleme nastale prilikom primjene samog plana.

Sa posebnom pažnjom potrebno je razmotriti sljedeće tačke:

- Prilikom formiranja građevinskih parcela u planu parcelacije u potpunom obuhvatu plana, razmotriti stvarne mogućnosti rješavanja imovinsko – pravnih odnosa, definisanje obaveznih kolskih pristupa do svake građevinske parcele za sve postojeće i novoplanirane objekte na istim;
- Razmotriti mogućnosti povećanja spratnosti planiranih objekata u potpunom obuhvatu plana, a u skladu sa maksimalnom spratnošću definisanom važećim planskim dokumentom šireg područja;
- Razmotriti mogućnosti i uslove intervencija na postojećim objektima u potpunom obuhvatu plana, a na osnovu prethodno utvrđenog boniteta objekata, te uslove za arhitektonsko oblikovanje novoplaniranih objekata;

- Razmotriti poziciju mreže saobraćajnica na području planiranih blokova mješovite izgradnje na jugu obuhvata plana do ulice 6. april, kao i stvarne mogućnosti rješavanja imovinsko – pravnih odnosa prilikom planiranja / Građevinski blok SP 1 – SP 4;
- Razmotriti poziciju mreže saobraćajnica i parking prostora unutar Građevinskih blokova označenih kao SP 5 do SP 10, posebno novoplaniranih saobraćajnica između građevinskih blokova na istoku označenih kao SP 7- Z1 - SP10 i Građevinskih blokova na zapadu označenih kao SP 6 – SP 8 – SP 9, zatim saobraćajnice između Građevinskih blokova označenih kao SP 8 i SP 9 (koja se spaja na Regionalnu cestu R444), stvarne mogućnosti rješavanja imovinsko – pravnih odnosa, kao i samu konfiguraciju terena koja otežava postupak relazicije već planiranih rješenja;
- Razmotriti mogućnost formiranja taxi stajališta na dijelu novoplanirane slijepe ulice sa parking prostornom, između Građevinskih blokova označenih kao SP 9 i P1;
- Razmotriti način organizacije prostora i definisati polažaje budućih objekata u Građevinskom bloku P1, položaj pristupne saobraćajnice kao i stvarne mogućnosti rješavanja imovinsko – pravnih odnosa;
- Razmotriti poziciju planirane parking garaže u Građevinskom bloku označenom kao SP 11;
- Razmotriti mogućnost lociranja novih pristupnih saobraćajnica za objekat doma zdravlja i objekat obdaništa;
- Razmotriti poziciju planiranog parking prostora, ispod površine rezervisane za bečarsku kuću u Građevinskom bloku označenom kao SP 13, te ponuditi alternativnu lokaciju za formiranje parking prostora kao i pristupne saobraćajnice za potrebe gradskog stadiona;
- Razmotriti način planiranja prostora ispod objekta srednjoškolskog centra u Građevinskom bloku označenom kao VO 1;
- Razmotriti poziciju mreže saobraćajnica na području planiranih blokova mješovite izgradnje na sjeveru obuhvata plana, unutar Građevinskih blokova označenih kao SP 15 - 17, kao i stvarne mogućnosti rješavanja imovinsko – pravnih odnosa prilikom planiranja istih;

#### **Član 5.**

Izrada Izmjena i dopuna plana obuhvatit će izradu nacrtu i prijedloga.

Rok za izradu Regulacionog plana je 90 dana od dana potpisivanja ugovora o izradi izmjena i dopuna plana sa odabranim najpovoljnijim ponuđačem.

#### **Član 6.**

Sredstva za izradu Izmjena i dopuna plana obezbjedit će se iz Budžeta Općine Breza.

#### **Član 7.**

Nosilac pripreme Izmjena i dopuna plana je općinska Služba za prostorno uređenje, zaštitu okolice, geodetske i imovinsko pravne poslove općine Breza (u daljem tekstu: „Nosilac pripreme“).

#### **Član 8.**

Izbor nosioca izrade Izmjena i dopuna plana izvršit će se u skladu sa Zakonom o javnim nabavkama BiH („Službeni glasnik BiH“, broj: 39/14).

**Član 9.**

Izmjene i dopune plana će se izraditi prema Uredbi o jedinstvenoj metodologiji za izradu dokumenata prostornog uređenja. ("Službene novine Federacije BiH", br. 63/04, 50/07 i 84/10).

**Član 10.**

U postupku donošenja Izmjena i dopuna plana, nosilac pripreme za izradu dokumenata prostornog uređenja dužan je osigurati saradnju i usaglašavanje stavova sa svim vlasnicima nekretnina, korisnicima prostora i relevantnim učesnicima u njegovoj izgradnji i uređivanju.

**Član 11.**

Nosilac pripreme Izmjena i dopuna plana, utvrđuje Nacrt Izmjena i dopuna plana i podnosi ga Općinskom vijeću na razmatranje.

Po utvrđenom Nacrtu Izmjena i dopuna plana, isti se stavlja na javni uvid, javnu raspravu u trajanju od 30 dana.

O Nacrtu Izmjena i dopuna plana, nosilac pripreme je dužan pribaviti saglasnost Ministarstva da je plan usklađen sa važećim planskim dokumentima šireg područja.

Na osnovu Nacrta koji je uspješno prošao fazu javnog uvida i rasprave, na osnovu stava nosioca pripreme o primjedbama, sugestijama i mišljenjima, i na osnovu pribavljene saglasnosti Ministarstva, utvrđuje se prijedlog Izmjena i dopuna plana.

**Član 12.**

U periodu do donošenja Izmjena i dopuna plana, ukoliko je u trenutku izdavanja rješenja o legalizaciji usvojen Nacrt Izmjene i dopune plana, rješenje o legalizaciji izdaje se na osnovu stručnog mišljenja Nosioca izrade planskog dokumenta, a koje se mora ugraditi u koncepciju izmjena i dopuna plana.

**Član 13.**

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-1755/21  
Breza, 30.06.2021.godine

PREDSJEDAVAJUĆI  
Općinskog vijeća  
Anel Rihčić, s.r.

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Na osnovu člana 7. stav 3. i stav 4. Zakona o stvarnim pravima Federacije BiH ("Službene novine Federacije BiH", broj: 66/13, 100/13 i 32/19), člana 13. stav 2. alineja 5. i člana 35. stav 3. Zakona o principima lokalne samouprave („Službene novine Federacije BiH“, broj: 49/06 i 51/09), člana 10. stav 3. Zakona o cestama Federacije BiH („Službene novine Federacije BiH“, broj: 12/10, 16/10 i 66/13) i člana 19. tačka 7. i člana 101. stav 3. Statuta Općine Breza – Prečišćeni tekst ("Službeni glasnik Općine Breza", broj: 8/09), Općinsko vijeće Breza na osmoj redovnoj sjednici održanoj dana 30.06.2021. godine, donosi

**ODLUKU**  
**o gubitku statusa Javnog dobra – putevi**

**Član 1.**

Utvrđuje se da je izgubilo status Javnog dobra putevi, zemljište označeno kao:

- k.č. broj: 38/2, zv. „Kamenjače“; Nekategorisani put, u površini od 70 m<sup>2</sup>, upisano u Zemljišnoknjižni uložak broj: 68 k.o. Podgora, kao vlasništvo Javno dobro putevi sa dijelom 1/1, upisano i u Posjedovni list broj: 58, posjednika DR SV Javno dobro putevi sa dijelom 1/1

- k.č. broj: 480/2, zv. „Podgora Župča“; Nekategorisani put, u površini od 165 m<sup>2</sup>, upisano u Zemljišnoknjižni uložak broj: 769 k.o. Podgora, kao vlasništvo Javno dobro putevi sa dijelom 1/1, upisano i u Posjedovni list broj: 58, posjednika DR SV Javno dobro putevi sa dijelom 1/1.

**Član 2.**

Nakon stupanja na snagu ove Odluke, Zemljišnoknjižni ured Općinskog suda u Visokom izvršit će brisanje izvršenog upisa vlasništva nad zemljištima iz člana 1. ove Odluke, a navedena zemljišta upiše sa pravom vlasništva u korist Općine Breza sa dijelom 1/1.

Nalaže se Službi za prostorno uređenje, zaštitu okolice, geodetske i imovinsko-pravne poslove Općine Breza, da nakon stupanja na snagu ove Odluke, u katastarskom operatu izvrši brisanje izvršenog upisa posjednika zemljišta iz člana 1. ove Odluke, a navedena zemljišta upiše sa pravom posjeda u korist Općine Breza sa dijelom 1/1.

**Član 3.**

Ova Odluka stupa na snagu osmog dana od dana objavljivanja u u "Službenom glasniku Općine Breza".

Broj: 01/1-02-1749/21  
Breza, 30.06.2021. godine

**PREDSJEDAVAJUĆI**  
Općinskog vijeća  
Anel Rihčić, s.r.

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 43. Zakona o sportu Zeničko-dobojskog kantona („Službene novine Zeničko-dobojskog kantona“, broj: 6/17 – Prečišćeni tekst) i člana 19. stav 1. tačka 24. Statuta Općine Breza („Službeni glasnik Općine Breza“, broj:8/09 – Prečišćeni tekst), Općinsko vijeće Breza, na osmoj redovnoj sjednici održanoj dana 30.06.2021.godine, donosi:

**ODLUKU****o izmjenama Odluke o načinu i postupku raspodjele sredstava za finansiranje sportskih aktivnosti****Član 1.**

U Odluci o načinu i postupku raspodjele sredstava za finansiranje sportskih aktivnosti („Službeni glasnik Općine Breza“, broj: 4/21) član 5. mijenja se i glasi:

„S ciljem utvrđivanja kriterija i Programa raspodjele sredstava za sport na području općine i provođenja javnog poziva Općinski načelnik imenuje komisiju sastavljenu od predstavnika pojedinih sportskih disciplina i jednog predstavnika općinske službe nadležne za sport. Komisija o svom radu vodi zapisnik koji je sastavni dio provedenog javnog poziva i navedenog Programa.

Komisija sačinjava prijedlog kriterija na osnovu kojeg boduje sve blagovremene, potpune i tačne prijave i predlaže Program raspodjele sredstava za sport koji dostavlja Općinskom načelniku u roku od 15 dana od dana isteka roka javnog poziva.

Općinsko vijeće Breza, na prijedlog Općinskog načelnika, usvaja Program raspodjele sredstava za sport.

Program raspodjele sredstava za sport Općinski načelnik će nakon usvajanja objaviti na zvaničnoj web stranici i oglasnoj tabli Općine Breza.

**Član 2.**

Član 10. Odluke se briše.

**Član 3.**

U članu 11. Odluke riječi „Program za korištenje budžetskih sredstava namijenjenih za sport“ zamjenjuju se riječima „Program raspodjele sredstava za sport“.

**Član 4.**

Članovi 11., 12. i 13. Odluke postaju članovi: 10., 11. i 12.

**Član 5.**

Ova Odluka stupa na snagu narednog dana, od dana objavljivanja u „Službenom glasniku Općine Breza“.



---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09) i člana 19. stav 1. tačka 24. Statuta Općine Breza („Službeni glasnik Općine Breza“, broj:8/09 – Prečišćeni tekst), Općinsko vijeće Breza, na osmoj redovnoj sjednici održanoj dana 30.06.2021. godine, donosi

**ODLUKU**

**o izmjenama Odluke o načinu i postupku raspodjele sredstava za sufinansiranje projekata udruženja iz oblasti kulture, obrazovanja, nauke, demokratije, humanitarnog rada i ostalih oblasti**

**Član 1.**

U Odluci o načinu i postupku raspodjele sredstava za sufinansiranje projekata udruženja iz oblasti kulture, obrazovanja, nauke, demokratije, humanitarnog rada i ostalih oblasti („Službeni glasnik Općine Breza“, broj: 4/21) u članu 10. riječi „kojeg Zaključkom usvaja Općinski načelnik“ zamjenjuju se riječima „kojeg na prijedlog Općinskog načelnika usvaja Općinsko vijeće Breza“.

**Član 2.**

Ova Odluka stupa na snagu narednog dana, od dana objavljivanja u „Službenom glasniku Općine Breza“.

Broj: 01/1-02-1770/21  
Breza, 30.06.2021.godine

PREDSJEDAVALAČI  
Općinskog vijeća  
Anel Rihčić, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Na osnovu člana 13. Stav 2. alineja 18. Zakona o principima lokalne samouprave u Federaciji Bosne i Hercegovine, („Službene novine FBiH“, broj: 49/06 i 51/09), člana 19. stav 1. tačka 2. Statuta Općine Breza, („Službeni glasnik Općine Breza“, broj: 8/09-prečišćeni tekst) i člana 13. stav 1. Odluke o spomen obilježjima na području Općine Breza („Službeni glasnik Općine Breza“, broj: 4/19), Općinsko vijeće Breza na osmoj redovnoj sjednici, održanoj dana 30.06.2021. godine, donosi:

**ODLUKU**

**o podizanju Spomen obilježja  
u naseljenom mjestu Podgora, Mjesna zajednica Župča, Općina Breza**

**Član 1.**

Podiže se Spomen obilježje izgradnjom spomen objekta u naseljenom mjestu Podgora, Mjesna zajednica Župča, Općina Breza, u znak sjećanja na šehide/poginule borce Armije Republike Bosne i Hercegovine i civilne žrtve rata iz naselja Podgora.

**Član 2.**

Investitor izgradnje Spomen-obilježja je Općina Breza.

Sredstva za finansiranje izgradnje spomen obilježja obezbjedit će naseljeno mjesto Podgora.

**Član 3.**

Spomen obilježje će se izgraditi kao natkriveni objekat dimenzija 6 x 4,2 m, sa popločanom površinom za komunikaciju ljudi i prostorom za ugradnju klupa, česmama i zelenom površinom. Temelji će se graditi od AB temeljne konstrukcije a zidovi uokvireni AB serklažama. Zidovi će se prekriti cementnim malterom, osim južnog zida na kome je na mermernim pločama predviđen ispis imena šehida i civilnih žrtava rata. Završna obrada zidova je bijela silikatna fasada. Krovna ploha je viševodna, nagiba 20 % , pokrov falcovani lim u boji bakra. Objekat spomen obilježja će se dodatno osvijetliti. Prostor oko objekta i pješački pristup će se popločati dekorativnim pločama od betona, a ostatak parcele će se urediti kao zelena površina sa nasadima zelenila i ukrasnog žbunja. Parcela će se ograditi tipskim ogradnim panelima visine 1 metar sa odgovarajućom kapijom

**Član 4.**

Mjesto podizanja spomen obilježja je centralni dio naseljenog mjesta Podgora, na građevinskoj parceli koja obuhvata dijelove parcela k.č. br. 38 i k.č. br. 480 K.O. Podgora.

**Član 5.**

Na spomen obilježju će biti ispisan Kur'anski ajet: **“I ne recite za one koji su na Allahovom putu poginuli: 'Mrtvi su'! Ne, oni su živi, ali vi to ne znate!”** (El-Bekare, 154), a na južnom zidu spomen obilježja će biti ispisana imena šehida i civilnih žrtava rata sa godinom rođenja i godinom pogibije.

**Član 6.**

Spomen obilježje će biti podignuto u roku od 1 (jedne) godine od dana izdavanja odobrenja za građenje i obezbjeđenja sredstava za njegovu izgradnju.

**Član 7.**

Spomen obilježje će se nakon izgradnje povjeriti na održavanje naseljenom mjestu Podgora.

**Član 8.**

Sva tehnička pitanja oko izgradnje spomen obilježja uredit će se posebnim ugovorom koji će zaključiti općinski načelnik i ovlašteni predstavnik naseljenog mjesta Podgora.

**Član 9.**

Ova odluka stupa na snagu osmog dana od dana objavljivanja u Službenom glasniku Općine Breza

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Na osnovu člana 13. stav 2. alineja 5. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 19. stav 1. tačka 6. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17), člana 19. tačka 7. i člana 101. stav 3. Statuta Općine Breza ("Službeni glasnik Općine Breza", broj: 8/09), Općinsko vijeće Breza na osmoj redovnoj sjednici održanoj dana 30.06.2021. godine, donosi

### **O D L U K U**

#### **o dodjeli u zakup poslovnih prostorija u zgradi „Radnički dom“**

##### **Član 1.**

Dodjeljuju se u zakup poslovne prostorije na kojim pravo raspolaganja ima Općina Breza, a koje se nalaze u zgradi „Radnički dom“ u Brezi, ul. Titova bb., sportskoj organizaciji Odbojkaškom klubu „Breza 1934“, i to:

- prostorije na spratu zgrade, u površini od 40,50 m<sup>2</sup>

##### **Član 2.**

Za prostorije iz člana 1. ove Odluke, zakupac je obavezan plaćati zakupninu u iznosu od 1,00 KM/m<sup>2</sup> prostorije (mjesečni iznos).

##### **Član 3.**

Poslovne prostorije iz člana 1. ove Odluke, dodjeljuju se u zakup sportskoj organizaciji Odbojkaškom klubu „Breza 1934“, na period od 12 (dvanaest) mjeseci, počev od dana zaključenja Ugovora o zakupu poslovnih prostorija.

##### **Član 4.**

Ovlašćuje se Općinski načelnik da sa zakupcem Odbojkaškim klubom „Breza 1934“, zaključi Ugovor o zakupu poslovnih prostorija, kojim će se na detaljniji način regulisati prava i obaveze ugovornih strana.

##### **Član 5.**

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj: 01/1-02-1697/21  
Breza, 30.06.2021.godine

**PREDSJEDAVAJUĆI**  
Općinskog vijeća  
Anel Rihčić, s.r.

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Na osnovu člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06), člana 19. stav 1. tačka 3. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17), člana 19. tačka 7. i člana 101. stav 3. Statuta Općine Breza ("Službeni glasnik Općine Breza", broj: 8/09), Općinsko vijeće Breza na sjednici održanoj dana 30.06.2021. godine, donosi

**ODLUKU**  
**o dodjeli u zakup poslovne prostorije u zgradi „Radnički dom“**

**Član 1.**

Dodjeljuje se u zakup poslovna prostorija na kojoj pravo raspolaganja ima Općina Breza, a koja se nalazi u zgradi „Radnički dom“ u Brezi, ul. Titova bb., političkoj stranci Stranka demokratske aktivnosti, OO A-SDA Breza, i to:

- prostorija na spratu zgrade, u površini od 17,00 m<sup>2</sup>

**Član 2.**

Za prostoriju iz član 1. ove Odluke, zakupac je obavezan plaćati zakupninu u iznosu od 1,00 KM/m<sup>2</sup> prostorije (mjesečni iznos).

**Član 3.**

Poslovna prostorija iz člana 1. ove Odluke, dodjeljuje se u zakup političkoj stranci Stranka demokratske aktivnosti, OO A-SDA Breza, na period od 12 (dvanaest) mjeseci, počev od dana zaključenja Ugovora o zakupu poslovne prostorije.

**Član 4.**

Ovlašćuje se Općinski načelnik da sa zakupcem Stranka demokratske aktivnosti, OO A-SDA Breza zaključi Ugovor o zakupu poslovne prostorije, kojim će se na detaljniji način regulisati prava i obaveze ugovornih strana.

**Član 5.**

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj: 01/1-02-1751/21  
Breza, 30.06.2021.godine

**PREDSJEDAVAJUĆI**  
Općinskog vijeća  
Anel Rihčić, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Na osnovu člana 53. Zakona o stvarnim pravima Federacije BiH ("Službene novine Federacije BiH", broj: 66/13 i 100/13, 32/19), člana 35. stav 3. Zakona o principima lokalne samouprave („Službene novine Federacije BiH“, broj: 49/06 i 51/09) i člana 101. stav 3. Statuta Općine Breza – Prečišćeni tekst ("Službeni glasnik Općine Breza", broj: 8/09), Općinsko vijeće Breza na sjednici održanoj dana 30.06.2021.godine, d o n o s i

**O D L U K U**  
**o davanju saglasnosti za prihvatanje poklona - nekretnine**

**Član 1.**

Daje se saglasnost Općinskom načelniku Općine Breza, da u svojstvu poklonoprimalca, a u ime i za račun Općine Breza, zaključi Ugovor o poklonu sa poklonodavcem „BOSNA U OČIMA GULFA“ d.o.o. Sarajevo, za nekretninu označenu kao:

- k.č. broj: 40, zv. „Podgora: Dvorište, kuća i zgrada“, u površini od 138 m<sup>2</sup>, upisana u Zemljišnoknjižni uložak broj: 73 k.o. Podgora, kao vlasništvo BOSNA U OČIMA GULFA d.o.o. Sarajevo sa dijelom 1/1, upisana i u Posjedovni list broj: 421 k.o. Podgora, posjednik BOSNA U OČIMA GULFA d.o.o. Sarajevo sa dijelom 1/1.

**Član 2.**

Ovlašćuje se Općinski načelnik da preko nadležne službe, a u saradnji sa Općinskim pravobranilaštvom Breza, obavi sve predradnje i zaključi u formo notarski obrađene isprave Ugovor o poklonu predmetne nekretnine.

**Član 3.**

Troškove notarske obrade Ugovora o poklonu, poreza na promet nepokretnosti i troškove upisa snosi Općina Breza, kao poklonoprimalac.

**Član 4.**

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj: 01/1-02-1744/21  
Breza, 30.06.2021. godine

**PREDSJEDAVALAČI:**  
Općinskog vijeća  
Anel Rihčić, s.r.

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Na osnovu člana 53. Zakona o stvarnim pravima Federacije BiH ("Službene novine Federacije BiH", broj: 66/13 i 100/13), člana 35. stav 3. Zakona o principima lokalne samouprave („Službene novine Federacije BiH“, broj: 49/06 i 51/09) i člana 101. stav 3. Statuta Općine Breza – Prečišćeni tekst ("Službeni glasnik Općine Breza", broj: 8/09), Općinsko vijeće Breza na sjednici održanoj dana 30.06.2021. godine, d o n o s i

**O D L U K U**  
**o davanju saglasnosti za prihvatanje poklona - nekretnine**

**Član 1.**

Daje se saglasnost Općinskom načelniku Općine Breza, da u svojstvu poklonoprimca, a u ime i za račun Općine Breza, zaključi Ugovor o poklonu sa poklonodavcem Kovač Mirzom sinom Amira iz Breze, za nekretninu označenu kao:

- k.č. broj: 39, zv. „Podgora: Dvorište, kuća i zgrada“, u površini od 165 m<sup>2</sup>, upisana u Zemljišnoknjižni uložak broj: 74 k.o. Podgora, kao vlasništvo Kovač (Amir) Mirza sa dijelom 1/1, upisana i u Posjedovni list broj: 476 k.o. Podgora, posjednik Kovač (Amir) Mirza sa dijelom 1/1.

**Član 2.**

Ovlašćuje se Općinski načelnik da preko nadležne službe, a u saradnji sa Općinskim pravobranilaštvom Breza, obavi sve predradnje i zaključi u formi notarski obrađene isprave Ugovor o poklonu predmetne nekretnine.

**Član 3.**

Troškove notarske obrade Ugovora o poklonu, poreza na promet nepokretnosti i troškove upisa snosi Općina Breza, kao poklonoprimac.

**Član 4.**

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj: 01/1-02-1748/21  
Breza, 30.06.2021.godine

**PREDSJEDAVALAČI:**  
Općinskog vijeća  
Anel Rihčić, s.r.

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Broj: 01/1-02-1834/21  
Breza, 30.06.2021.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Odluke o usvajanju Regulacionog plana „Kolonije“, Općinsko vijeće Breza na osmoj redovnoj sjednici održanoj dana 30.06.2021.godine, donosi

## ZAKLJUČAK

### I

**UTVRĐUJE SE** Nacrt Odluke o usvajanju Regulacionog plana „Kolonije“.

Po utvrđenom Nacrtu Odluke o usvajanju Regulacionog plana „Kolonije“ sprovesti javnu raspravu.

### II

Javnu raspravu sprovesti u periodu od 12.07.2021. do 11.08.2021.godine.

### III

Za realizaciju Zaključka zadužuje se Služba za prostorno uređenje, zaštiti okolice, geodetske i imovinsko-pravne poslove.

### IV

Zaključak objaviti u „Službenom glasniku Općine Breza“.

Dostavljeno:  
1x Služba za prostorno uređenje, zaštitu okolice,  
geodetske i imovinsko-pravne poslove  
1x 01/1,  
1x a/a.

**PREDSJEDAVAJUĆI**  
Općinskog vijeća  
Anel Rihčić, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Broj: 01/1-02-1834/21  
Breza, 30.06.2021.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Odluke o provođenju regulacionog plana „Kolonije“, Općinsko vijeće Breza na osmoj redovnoj sjednici održanoj dana 30.06.2021.godine, donosi

## ZAKLJUČAK

### I

**UTVRĐUJE SE** Nacrt Odluke o provođenju Regulacionog plana „Kolonije“.

Po utvrđenom Nacrtu Odluke o provođenju Regulacionog plana „Kolonije“ sprovesti javnu raspravu.

### II

Javnu raspravu sprovesti u periodu od 12.07.2021. do 11.08.2021.godine

### III

Za realizaciju Zaključka zadužuje se Služba za prostorno uređenje, zaštiti okoliše, geodetske i imovinsko-pravne poslove.

### IV

Zaključak objaviti u „Službenom glasniku Općine Breza“.

Dostavljeno:

1x Služba za prostorno uređenje, zaštitu okoliše,  
geodetske i imovinsko-pravne poslove

1x 01/1,

1x a/a.

**PREDSJEDAVAJUĆI**

Općinskog vijeća

Anel Rihčić, s.r.

---



Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
Općinski načelnik



Bosnia and Herzegovina  
Federation of Bosnia and Herzegovina  
Zenica-Doboj Canton  
**MUNICIPALITY OF BREZA**  
Municipality Mayor

Broj: 01/2-04-1572-2/21  
Breza, 16.06.2021. godine

Na osnovu člana 10. stav 1. tačka 5., Zakona o zaštiti stanovništva od zaraznih bolesti (Službene novine FBiH" broj: 29/05), Naredbe Ministarstva zdravstva ZDK o provođenju obavezne preventivne sistematske deratizacije, dezinfekcije i dezinfekcije na području ZDK – proljetna faza 2021. godine, broj: 11-33-6901-1/21 od 12.05.2021. godine i člana 116. Statuta Općine Breza ("Službeni glasnik Općine Breza" – prečišćeni tekst, broj: 8/09) Općinski načelnik d o n o s i

## N A R E D B U

### o provođenju obavezne preventivne sistematske deratizacije na području općine Breza - proljetna faza za 2021. godinu

#### I

Naređuje se provođenje obavezne preventivne sistematske deratizacije na području općine Breza – proljetna faza u periodu **od 24.06. do 30.06.2021.godine.**

#### II

#### Sistematska deratizacija iz tačke jedan ove naredbe obuhvata:

1. Javne i zelene površine u pojasu naselja sa koncentrisanim stanovništvom (gradska naselja),
2. Nezvanična (neorganizirana) odlagališta otpada-smetljišta,
3. Objekti općinskih javnih zdravstvenih ustanova sa pripadajućim vanjskim površinama (obuhvatajući: podrumne, tavanne, magacinski prostor, dvorišta, smetljarnike, garaže, otvorena i zatvorena odlagališta otpada prostori za skladištenje i pripremu hrane, te pripadajuće površine kao što su dvorišta i parkovi),
4. Općinske institucije i njihove ispostave sa pripadajućim vanjskim površinama,
5. Individualne stambene zgrade u privatnom vlasništvu u užim zonama gradskih naselja (obuhvatajući: podrumne, tavanne, magacinski prostor, dvorišta, smetljarnike, garaže, otvorena i zatvorena odlagališta otpada, prostori za skladištenje i pripremu hrane, te pripadajuće površine kao što su dvorišta i parkovi).

#### III

Troškove za površine i objekte iz tačke II Naredbe snosi Općina Breza.

#### IV

Obaveznu preventivnu sistematsku deratizaciju– proljetna faza za objekte i površine iz svoje nadležnosti u skladu sa Programom provođenja obavezne



Adresa: Bogumijska br.1 tel, centrala 032/786-020, 032/786-061  
fax., 032/786-041, 032/786-031  
e-mail: [nacelnik@breza.gov.ba](mailto:nacelnik@breza.gov.ba) . [www.breza.gov.ba](http://www.breza.gov.ba)



sistematske deratizacije na području ZDK u 2021. godini na području općine Breza će provesti "EKO-TIM" d.o.o. Sarajevo.

Ostali subjekti koji podliježu provođenju preventivne sistematske deratizacije – proljetna faza, ukoliko ne prihvate usluge gore navedene firme, dužni su istu provesti pod nadzorom ovlaštenog pravnog lica i to u vrijeme izvođenja preventivne sistematske deratizacije na području općine Breza u periodu od **24.06. do 30.06.2021.godine**, te nadležnom inspektoru predložiti dokaz o istom.

**V**

Subjekti koji podliježu provođenju preventivne sistematske deratizacije – proljetna faza, su dužni obezbijediti nesmetan rad ekipama Dobavljača "EKO-TIM" d.o.o. Sarajevo.

**VI**

Nadzor i kontrolu izvođenja akcije preventivne sistematske deratizacije – proljetna faza za područje općine Breza provodit će općinski sanitarni inspektor.

**VII**

Ova naredba stupa na snagu danom donošenja, a objavit će se u "Službenom glasniku Općine Breza" i putem sredstava informisanja.



Dostavljeno:

1. Dom zdravlja Breza
2. Ministarstvo zdravstva ZDK, ul. Abdulaziza Aska Borića 2B, Zenica
3. „EKO-TIM“ d.o.o. Sarajevo, ul. Olovska br.38, Sarajevo
4. Općinski sanitarni inspektor
5. Radio Breza
6. Oglasna ploča
7. web stranica Općine Breza
8. "Službeni glasnik Općine Breza"
9. a/a



Adresa: Bogumijska br.1 tel. centrala 032/786-020, 032/786-061  
fax: 032/786-041, 032/786-031  
e-mail: [nacelnik@breza.gov.ba](mailto:nacelnik@breza.gov.ba) , [www.breza.gov.ba](http://www.breza.gov.ba)



**S A D R Ź A J**

- 197. Statut Općine Breza
- 230. Odluka o utvrđivanju visine naknade vijećnicima i Predsjedavajućem Općinskog vijeća Općine Breza
- 232. Odluka o pristupanju izradi izmjena i dopuna Regulacionog plana „Uže urbano područje grada Breza“
- 235. Odluka o gubitku statusa Javnog dobra-putevi
- 236. Odluka o izmjenama Odluke o načinu i postupku raspodjele sredstava za finansiranje sportskih aktivnosti
- 237. Odluka o izmjenama Odluke o načinu i postupku raspodjele sredstava za sufinansiranje projekata udruženja iz oblasti kulture, obrazovanja, nauke, demokratije, humanitarnog rada i ostalih oblasti
- 237. Odluka o podizanju Spomen-obilježja u naseljenom mjestu Podgora
- 239. Odluka o dodjeli u zakup poslovnih prostorija, sportskoj organizaciji Odbojkaškom klubu „Breza 1934“, u zgradi „Radnički dom“
- 240. Odluka o dodjeli u zakup poslovnih prostorija političkom subjektu OO A-SDA Breza, u zgradi „Radnički dom“
- 241. Odluka o davanju saglasnosti za prihvatanje poklona-nekretnine („Bosna u očima Gulfa“ d.o.o. Sarajevo)
- 242. Odluka o davanju saglasnosti za prihvatanje poklona-nekretnine (Kovač Mirza)
- 243. Zaključak po Nacrtu odluke o usvajanju Regulacionog plana „Kolonije“
- 244. Zaključak po Nacrtu odluke o provođenju Regulacionog plana „Kolonije“

## Akti načelnika

- 245. Naredba o provođenju obavezne preventivne sistematske deratizacije na području općine Breza – proljetna faza za 2021.godinu

